

DIARIO

UN BANDERA... UN ESCUDO... UN HIMNO... UN DIARIO

582-6747

Engelandstraat 29

@ noticia@diario.aw

www.diario.aw

1,75 FLORIN

MIN. O. ODUBER

Gobierno ta dispuesto pa considera e peticionnan di Camara di Comercio

Minister Andin Bikker:

“Nos no por adopta problemanan di otro paisnan”

Maneho riba asilo ta keda stricto



ORANJESTAD (AAN): Minister di Husticia Andin Bikker ta bezig ta atende cu e asunto di asilo. “Recientemente un discurso di Prome Minister di Trinidad & Tobago tabata circula y den e discurso aki el a expresa locual nos tin mas cu un aña ta expresa caba, esta cu nos no por adopta problemanan di otro paisnan bisiña y pesey nos mester bin cu un maneho hopi stricto pa loke ta e procedura di asilo”.

“Na September nos a reuni cu na New York cu UNHCR y nos a hasi un apelacion na nan pa nan stop di emiti e tipo di certificadonan cu ta crea impresionnan erroneo cerca personanan den un situacion hopi vulnerable y nan a stop esaki”.

“Nos a bin tambe cu un asina yama ‘Asylum Unit’ pa traha riba tur e peticionnan di asilo”.

Esaki segun e minister, kende a sigui bisa cu a constata cu gran mayoria di e peticionnan ta djis pa alarga nan estadia na Aruba.

“Pesey nos ta keda cu un maneho hopi stingente riba asilo, pasobra nos tin nos propio problemanan y nos no tin e fondonan pa atende cu problemanan di otro paisnan”, segun Bikker.

ENTRANTE AWE

E serie nobo 2019 di biyetenan di florin ta obtenibel pa publico


Mike Eman no ta den Parlamento pa splica su proyecto exclusivo

Husticia Mericano a dagvaard Citgo

*Prome caso di corrupcion investiga tabata Un Biyon na 2015

*Aruba a firma acuerdo tempo a dagvaard negociante den droga


Speedboat tipo yola a baha 10 ilegal na Colony



ORANJESTAD (AAN): Tabata Diadomingo dia 2 di juni den oranan di anochi, cu Wardacosta a detecta un contacto riba radar. Tabata 10:00 pm, cu nan a mira cu tin algo ta nabegando direccion pariba di Aruba. Mesora autoridatnan a mobiliza pa asina bay check kico ta pasando. A alerta Polis y Aduana tambe pa check costa zuidoost di Aruba.

Despues di un investigacion a resulta cu ta un speedboat tipo yola cu hendenan ilegal abordo. Ora cu e boto a yega tera na den Colony na San Nicolas, nan a bula abao y plama rond.

Sinembargo debi na e bon colaboracion entre Wardacosta, Cuerpo Policial di Aruba, y Aduana a logra detene



10 hende homber di nacionalidad Venezolano na Santana di Cacho.

E capitan pa colmo, a cumenza mobiliza cu e speedboat yola direccion di Venezuela.

Sinembargo aki un unidad di Wardacosta riba e boto nan nobo di Metal Shark, a cumenza bay den nan direccion. Abordo tabatin funcionarionan di Wardacosta como tambe militarnan Arubano. Nan a sigui e yola, y danki na e velocidad fenomenal di e Metal Shark, nan a yega na dje mesora. Nan a stop e yola, y a detene e capitan. Nan a hiba e capitan, y lastra e boto na e pier di Wardacosta na Savaneta. E capitan awor ta confronta acusacionnan di traficacion humano.

E 10 hendenan ilegal y sin

documento a wordo entregado na Warda nos Costa.

Ora cu dia a habri, autoridad a bay busca na e costa y na e matanan cu tin den Colony, y a bin descubri algun proyectil skerpi (di municion) den un bleki. Posibilidad ta grandi cu ta e ilegalnan aki a subi tera cu e municion aki den e bleki, y a sconde nan ora cu a sinti cu autoridad ta yegando riba nan. Awor lo bay trata di check cu vingerprint, pa mira ta cual di e 10 ilegalnan aki tabata cana cu e bleki di municion aki. Pa colmo, algun media a raporta trempan cu ta Granada di Man a ser haya. Sinembargo Vocero Policial Lito Lacle a confirma, cu esey no ta e caso. Ta e bleki cu ‘scherpe patronen’ a wordo haya.

Diamars AWO

20% OFF

Riba tur fruta i berdura

Groceries Like Home!

For more information please call (297) 521-2370.
Open Monday to Saturday from 7:30am to 9pm.
Sunday from 9am to 6pm. www.lingandsons.com

THE #1 SUPERMARKET IN ARUBA

f i Wi-Fi IN STORE!

LINCOLN MKC



POWER LIFTGATE

SYNC® 3
WITH ANDROID AUTO™ + APPLE CARPLAY™



REMOTE START

L.G. Smith Boulevard 112,
Oranjestad, Aruba
Phone: 524.4444
www.yrausquin.com



LINCOLN

 YRAUSQUIN

Mike Eman no ta den Parlamento pa splica su proyecto exclusivo

Husticia Mericano a dagvaard Citgo

**Prome caso di corrupcion investiga tabata Un Biyon na 2015*

**Aruba a firma acuerdo tempo a dagvaard negociante den droga*



ORANJESTAD (AAN) -- Tabata na 2015, ora na Aruba gobierno Mike Eman tabata anuncia yegada di Citgo na e pais, cu husticia Mericano a dagvaard e prome persona pa corrupcion den Citgo. Awe, un siman despues cu rond mundo number di Aruba a sali publica pa proyecto Citgo, autoridad Mericano ya a dagvaard 20 persona y awor Citgo mes pa actonnan di corrupcion.

E prome caso cu a wordo investiga den e totalidad di e cadena PDVSA/Citgo y Venezuela tabata pa Un Biyon Dollar na 2015. Merca a dagvaard dos comerciante den caso di droga pa corrupcion cu PDVSA den cual e suma di Un Biyon a wordo menciona.

Pa basta dia DIARIO tabata en espera di culminacion di investigacionnan na Merca riba actonnan criminal di PDVSA, pa cual rond mundo tin investigacion contra exponentenan di regimen Maduro.

Ta trata aki di actonnan di corrupcion y labamento di placa di Venezuela. Informacionnan cu Asamblea Nacional di Venezuela mes a emiti na 2014, tabata muestra riba e labamento di placa cu tabata tuma lugar pa medio di Citgo.

Ta cu e gerencia di Citgo den tempo di e casonan cu awor Husticia Mericano investiga, Aruba a firma un acuerdo pa e proyecto rehabilitacion refineria na Aruba, cu a fracasa y a destrui economia di Aruba.

Siman pasa DIARIO a informa cu atrobe un comerciante a admiti na Husticia Mericano cu tabata tin corrupcion den negoshi cu PDVSA. E tabata uno di e 20 personanan cu Husticia di Merca a dagvaard den casonan di corrupcion y a admiti su culpabilidad. Ayera a drenta e informacion mas importante pa Aruba, cu Merca a dagvaard e compania Citgo mes. Tabata Bloomberg cu a lansa e primicia ayera cu autoridad Mericano a bay directamente pa Citgo dia 14 di Mei ultimo ora e negociante menciona ariba tabata prepara pa presenta dilanti di Husticia Mericano.

Prome cu e caso aki, ya 16 persona a admiti caso di corrupcion den investigacionnan relaciona cu PDVSA, cu a wordo admiti pa Nicolas Maduro tambe. E gerencia nobo di Citgo, instala dor di Presidente Interino Juan Guaidó, a admiti cu e mester aparece dilanti autoridad Mericano y cu e lo duna su colaboracion na e investigacionnan. Na mes momento Citgo a confirma na Merca, loke el a bisa Ministro Presidente di Aruba, cu e gerencia nobo di Citgo a start un investigacion pa practicanan ilegal den Citgo.

Di e forma aki informacionnan di Ministro Presidente Evelyn Wever-Croes ta wordo confirma cu Citgo a bisa su persona cu tabata tin placa cu lo a wordo paga pa e proyecto Aruba pero cu e placa aki

no a yega su destinacion. Nicolas Maduro, cu ta admiti corrupcion den Citgo, a manda e gerencia cu a firma cu gobierno Mike Eman prizon, caminda e persona di contacto mas importante cu tabata e

presidente di Citgo e tempo, a muri. Mientrastanto Mike Eman mes no ta den Parlamento di Aruba pa splica pueblo di Aruba kico a pasa den e proyecto cu el a firma na number di Aruba sin

aprobacion adelanta di Parlamento y cu blackmail politico contra tur oponente politico cu su partido acusa (hasta te e momento cu Citgo a fracasa) di no kier sostene e proyecto.

Entrante awe, e serie nobo 2019 di biyetenan di florin ta obtenibel pa publico



ORANJESTAD (AAN): Despues di un campaña extenso di promocion pa e publico cera conoci cu e caracteristicanan di seguridad di e serie nobo 2019 di biyetenan di florin, Banco Central di Aruba (BCA) a emiti oficialmente e serie nobo aki dia 3 di juni 2019, presentando e prome set di biyetenan na sra. Xiomara Ruiz-Maduro, Minister di Finanzas, Asunto Economico y Cultura.

Entrante awe 4 di juni 2019, e serie nobo 2019 di biyetenan di florin ta obtenibel pa publico na tur banco comercial pa por haci pago cu nan.

E cronologia di e emision di e serie nobo 2019 di biyetenan di florin ta manera ta sigui:

3 di juni 2019

Emision oficial di e serie nobo 2019 di biyetenan di florin

4 di juni te cu 11 di augustus 2019

Co-circulacion di e serie di 2003 y e serie nobo 2019 di biyetenan di florin (10 siman)

12 di augustus 2019

E serie 2003 di biyetenan di florin ta sali for di circulacion y no por wordo uza mas pa haci pago

4 di juni te cu 4 di december 2019

Por haci e cambio di e serie di 2003 pa e serie nobo di 2019 di biyetenan di florin solamente

na e banconan comercial (6 luna)

5 di december 2019 te cu 12 di augustus 2049

Por haci e cambio di e serie di 2003 pa e serie nobo 2019 di biyetenan di florin solamente na BCA (30 aña)

Cu e introduccion di e serie nobo 2019 di biyetenan di florin, BCA tin como meta pa mantene e confiansa den e florin Arubano y contribui na e promocion di e caracter unico y e bunitesa di Aruba su flora, fauna, herencia cultural, monumentonan y lugarnan prominente. Pa nos futuro generacionnan por tambe sigui aprecia esakinan, ta di gran importancia pa continua cu e promocion di concientisacion publico pa por preservera y conserva esakinan na un forma adecua.

Den e lunanan benidero, BCA lo sigui cu campananan extensivo di informacion via e diferente medionan di informacion, entre otro corant, radio, television, BCA su Facebook y Instagram y tambe website, pa asina por provee e publico cu e informacion importante di e serie nobo 2019 di biyetenan di florin.

Ademas, BCA lo tene sesionnan di informacion pa gruponan specifico, y lo pone material di informacion obtenibel na tur MFA, biblioteca nacional, skolnan, oficinanan di post, y banconan comercial. Pa loke ta trata e sesionnan di informacion, BCA lo publica e fecha, ora y lugar den tur corant, como tambe riba su Facebook y Instagram y website.

Partnernan di negociacion cu Gabinete Eman involvi

Citgo Aruba tambe ta parti investigacion

**Mercado di combustibel di Aruba den peliger hopi serio*

**Number di Aruba ta basha abou den comercio internacional*

ORANJESTAD (AAN) -- Despues di e prome informacion cu Husticia Mericano a dagvaard Citgo, DIARIO den forma di primicia online a informa Aruba di e desaroyo. Na forma rapido e informacion a captura atencion internacional algun dia despues cu a wordo anuncia cu Citgo lo ta interesa di keda partner di Aruba.

Pa Aruba ta sumamente importante pa comprende cu Citgo Aruba ta parti di e totalidad di Citgo y cu personanan cu tabata motibo pa e investigacion hudicial den Citgo, tabata partner di negociacion pero tambe di realizacion di e proyecto na Aruba.

Mundo internacional di financia tabata tuma nota di e desaroyonan den e compania Venezolano cu a duna mas motibo pa nan duda den seriedad di pais y gobernacion di Aruba, segun informantenan cu DIARIO a acerca ayera.

Pa basta tempo nan a duna e conseho na DIARIO, manera a wordo publica na varios ocasion, tabata pa miho Aruba pone un fin na e relacion cu Citgo cu nunca e pais no mester a crea. For

di momento cu a bira conoci cu gobierno Mike Eman a firma e acuerdo cu Nicolas Maduro, mundo di inversion internacional tabata tin hopi duda den e proyecto.

Ayera Citgo mes tambe a reconoce cu e situacion ta hopi preocupante. For di momento cu Husticia a dagvaard e compania, nan a laga un experto investiga documentonan di e periodo den cual un comerciante lo a haya facilidad pa haci loke e kier den Citgo a cambio di mas cu 600 Mion Dollar, segun e presidente di Citgo a bisa.

Gerencia nobo di Citgo a informa su empleadonan cu a dagvaard Citgo dos siman pasa, pues den mes tempo cu noticianan tabata bisa cu Citgo ta interesa pa sigui cu negoshi cu Aruba. DIARIO a publica e informacion di e interes di Citgo cu hopi reserva pa su lectoran, ya cu tambe DIARIO a publica di e caso di e comerciante Gonzalez cu a admiti corrupcion cu Citgo pa medio di miembro halto di gerencia na 2012 y 2013.

Segun informantenan cu a percura pa DIARIO por a informa Aruba for di un aña pasa di tur e sucesonan

cu awor lamentablemente Aruba ta bira victima, mester yega un fin na e proyecto cu a introduci na 2016 na Aruba.

For di prome momento number di Aruba tabata rondona cu duda riba plataforma internacional debi na e parti financiero y economico. Despues cu acusacionnan criminal a cuminsa aumenta na cantidad, e seriedad di Aruba pa atrae inversionista ta mas na duda.

Mientrastanto un medida cu mester tuma awor ta encera pa yega na un solucion pa

e mercado di combustibel cu tambe a saca for di man di Valero y entrega na Citgo. Por bisa cu no tin acuerdo mas cu Citgo, pero si ta permiti pa e alma di economia di Aruba keda den man di e compania cu mester a ricibi petroleo y gas di PDVSA cu no tin ni pa Venezuela mes.

Esaki semper y cuando Husticia di Merca permiti ya cu e ta parti di e totalidad di e negoshi di Citgo.

Informantenan di DIARIO mas cu nunca ta kere cu Citgo tabata e desgracia economico mas grandi cu

Aruba a conoce y cu mester pone un fin na e proyecto aki. Mester tene cuenta cu Aruba por ta parti di e investigacion debi na e placa cu a circula entre Aruba, Merca y Venezuela pa medio di Citgo y relacionnan cu tabata tin entre Aruba y Citgo.

Un situacion hopi penoso por ta resultado di ultimo desaroyonan pa Aruba cu lo forma parti di e investigacion internacional. Segun informantenan mescos cu Citgo mes a start su investigacion, na Aruba tambe mester duna inicio na un investigacion.



Nos kier a informa un y tur cu entrante 1 di juni 2019 nos orario di nos oficina na San Nicolaas ta lo siguiente:

8.00AM - 12.00PM / 13.00PM - 16.30PM



THE ODDS ARE IN YOUR FAVOR ON TUESDAY

Play our slot machines to win \$100 cash every hour during our Tuesday Mania promotion.

Every Tuesday, starting: 7:00 PM - 11:00 PM

If you are not a Casino Member yet, apply for your Casino Membership Card and enjoy endless rewards. A valid ID is required for all Casino transactions.



HYATT
REGENCY
RESORT

For more information about the Tuesday Mania promotion, please contact our Players Advantage Club at 586-1234 ext. 4583. HYATT, Hyatt Hotels & Resorts® and Hyatt Regency Aruba Resort, Spa & Casino® designs and related marks are trademarks of Hyatt Corporation ©2019 Hyatt Corporation. All rights reserved.

Minister Otmar Oduber:

Gobierno ta dispuesto pa considera e peticionnan di Camara di Comercio

ORANJESTAD (AAN): Siman pasa Minister di Infraestructura, Medio Ambiente y Desaroyo Teritorial Otmar Oduber a reuni cu henter e bestuur di Camara di Comercio (KvK).

Minister Andin Bikker tambe tabata presente, segun Oduber durante e conferencia di prensa di Gobierno di tur Dialuna.

E mandatario a indica cu el a organiza e reunion despues di a papia cu Prome Minister cu tabata den exterior.

Esaki despues cu KvK a mustra cierto inquietud cu nan tabata tin.



“Mirando e inquietudnan cu tabata tin di parti di KvK, Gobierno a dicidi di invita nan pa un reunion”, segun Oduber, kende a indica cu durante e reunion el a splica e miembronan di KvK un biaha mas den ki

situacion financiero Aruba ta actualmente, despues di hereda un buraco den e presupuesto di 130 milyon florin na 2017.

E minister a sigui bisa cu Gobierno anterior a causa un desastre y pesey Gobi-

erno actual a bin cu un medida di crisis, pa por paga y cera e buraco riba e deficit cu ya caba tabata tin e tempo ey.

Tur esaki el a splica na e representantenan di KvK, como tambe e hecho cu Gobierno anterior a handle e asunto di nos refineria totalmente robz.

“Pa loke ta trata e ponedimento di e BBO y otro impuestonan riba recibo si of no, e peticion di KvK durante e reunion tabata pa Gobierno duna un periodo di 6 luna prome cu e ley wordo implementa”.

“Como Gobierno nos ta dispuesto pa considera pa duna 3 of 6 luna mas, mirando cu di parti di Gobierno tin comprension pa e preocupacionnan di KvK”, segun Oduber, kende a sigui bisa cu dentro di poco lo notifica KvK di e decision cu Gobierno lo tuma den e caso aki.

E mandatario a papia tambe cu Camara di Comercio riba e formula cu ta uza pa aumenta salario minimo, unda cu segun calculacionnan tabata mihor pa duna un aumento di 3% y no 5.7%.

Tur compania di construccion mester atende e sesionnan aki di DTI

ORANJESTAD (AAN): Gobierno ta desea pa companianan di construccion na Aruba, sa mas extenso kico Departamento di DTI ta exige di cada uno di nan.

Pesey Gobierno lo bay duna sesion di informacion pa tur compania di construccion na Aruba.

E sesion di informacion ta pa e compania nan di construccion na Aruba. DTI (Dienst Technische Inspecties) lo splica tocante kico e trabao di DTI ta encera, cual leynan ta importante, requisitonan di DTI pa ora di bishita lugar di construccion, conseho/experiencia di DTI pa cu e compania nan di construccion y tin chens pa haci pregunta y con pa haya mas informacion.

E sesion ta pa tur doño/director di compania y personal cu ta den e ramo di seguridad di e compania.

E sesion lo ta na Papiamento. Pa luna di Juni 2019 lo bay tin 2 sesion. Uno ta Diahuebs 20 di Juni 2019. E otro ta Diahuebs 27 di Juni 2019.

DIARIO a compronde cu e sesion lo ta di 6:00 pm pa 7:30 pm na e Trainingszaal DTI cu ta situa na Barcadera 153.

Tin cu reserva prome cu atende na e sesion prome cu 13 di Juni 2019. Tin lugar pa 35 persona pa sesion. Pa reserva, please yama na DTI na 584-5300 y puntra pa señora Magdalena Maduro. Ban traha hunto pa un construccion mas sigur na Aruba.



WIND CREEK®

CASINOS • ARUBA

FOR THE WIN

Choose your favorite team during
“Copa America 2019”
Winning teams will receive
1,000 Bonus points

GROUP A

- BRAZIL
- BOLIVIA
- VENEZUELA
- PERU

GROUP B

- ARGENTINA
- COLOMBIA
- PARAGUAY
- QATAR

GROUP C

- URUGUAY
- ECUADOR
- JAPAN
- CHILE

June 3rd - June 13th

Sign up with your team and receive
1,000 Bonus points
each time your team wins during
Copa America 2019

All games will be shown on the casino floor June 14th - July 7th
See Player services to sign up

Rules: Must be a member to participate. Can only choose one team during June 3rd until June 13th. Bonus points will be uploaded every 48 hours

E & E TRADING

TEL: 588-2828 • TUNASTR. # 4
E: e.n.e.trading@gmail.com

Bo adres # 1 pa: “Raynor” Garage Doors + rolleur;
“Came” + “Proteco” sliding gate openers;
pvc plumbing fittings (50% off); 7” hard plastic numbers
+ letters (50% off); “American Standard”, Lavatory, urinal,
+ parts (50% off); “Weihrach” air rifles + pistols,
pellets ariba pedido; parts pa Bentana di Aluminio; punta di hero
pa cura (50% off); Bentana Americano di alum. (50% off);
bandera cu mensahe (50% off); toilet seat 50%, Sunsash Frame,
Servicio + benta ta solamente ariba afspraak!!!

Temporada di horcan y e temor den pueblo den un situacion nobo

Cu yegada di e prome dia di Juni 2019, Aruba ta drenta un temporada di mas incertidumbre. Awor no ta solamente loke Venezuela of Citgo ta haci, pero ta loke naturaleza por haci ta e temor mas grandi na un Aruba cu a sufri cambionan grandi.

E naturaleza propio di Aruba a wordo kibra den transcurso di añanan di crecimiento economico. Den expansion economico di Aruba, no a tene cuenta cu e tamaño di e isla y e necesidad pa e pais por wordo goberna na un forma responsabel.

E resultado, cu ta presenta su mes riba tur tereno, ta motibo tambe pa mas preocupacion den temporada di horcan.

Laga nos cuminsa yama danki na nos Creador cu a spaar Aruba pa intensidad di calamidad manera otro islanan a conoce. Esaki sinembargo no por kita nos bista for di realidad grandi.

Tin cambio na nos mundo. Cambian relaciona cu fenomenonan natural pa cuminsa cu e calor inmenso cu ta afecta e pais cu atrobe ta den un temporada basta largo di sequia. Nos no kier drenta teoria complica si esaki ta haci nos mas na riesgo

of no di sistemanan cu mester di un lama mas cayente. Nos kier para keto na e hecho cu cunucunan grandi cu Aruba a uza pa sembra cuminda, a desaparece. Aruba ta depende di importacion y si pa cualkier motibo e alimento importa baha den su reserva, e lo afecta nos pais.

Esaki ta e berdad creciente cu cada habitante extra cu Aruba tin. Cada persona cu habita Aruba ta bira un boca mas pa come den bon y mal tempo.

E cantidad di miembronan di comunidad di Aruba a aumenta durante e ultimo añanan y na un forma cu Aruba mes no por controla. Aruba mester duna asistencia na un grupo creciente di refugiadonan di Venezuela, cu tambe mester tin siguridad personal ora nan yega nos pais.

Esaki ta nifica cu tur medida di urgencia pa actua den caso di un calamidad, mester tene na consideracion un grupo mucho mas grandi di persona.


Aruba no mester di un horcan pa ta den calamidad. Den pasado, pasada di un ola tropical fuerte ya a percura pa e isla bati alarma grandi. Tin luganan na Aruba cu ta

sumamente peligroso ora condicionnan di tempo bira pisa.

Uno di e servicionan grandi cu comunidad mester por brinda ta di hospital. Kico ta pasa realmente cu e hospital cu Aruba a inverti tanto placa pa mehora? Kico a pasa cu e proyecto hospital cu a costa nos tanto placa, pero a produci mas problema cu solucion aparentemente?

E helicopter di Aruba den nos situacion actual sigur ta un factor importante si condicion di tempo permiti pa e subi. Arubianonan conoce nan isla. Nan sa cu e encanto di Aruba ta hustamente e peligro mas grandi di Aruba. Lama y costa ta e preocupacion grandi na e isla, cu antes tabata brinda espacio pa evacua.

Tin suficiente lugan pa pone hende si mester evacua partinan sumamente peligroso di nos isla? Tin un plan pa yuda evacua turistanan for di Aruba si condicionnan di tempo bira peligroso



y no por duna nan garantia cu nan tin lugan pa keda sin cu nan bida ta na peligro?

Den un tempo di crisis nos a drenta temporada di horcan. Den un tempo cu ta resultado di mal manejo sin bista riba nos realidad, nos mester acepta e realidad di temporada di horcan sin placa cu a wordo uza pa proyectonan cu awe no por yuda nos.

Nos fe den nos Creador ta grandi. Pero nos ta consciente cu awe famianan mester yuda pa brinda siguridad na otro si condicion di tempo exige esaki. Cu tur organizacion mester yuda

na aporta solucion den caso di un crisis natural. Den un situacion sumamente preocupante, e familia Arubano mester tene na su balor grandi di asistencia na otro. Ban prepara nos mes pa e lunanan nos dilanti. E temporada di horcan, cu ningun hende tin den su man.

DIARIO di e forma aki ta duna su prome contribucion como parti integro di nos comunidad.

**Telefonnan
di DIARIO
582-6747
Fax
582-8551**

NEW ARRIVAL, SAFETY CLOTHES!!

SAFETY CLOTHES

- SAFETY SHOES
- SAFETY SHORTS
- SAFETY PANTS
- SAFETY VESTS
- SAFETY GOGGLES
- AND SO MUCH MORE

**ORGANIZACION
CABALLISTA
ARUBANO**

Org. Caballista Arubano ta desea di invita tur miembro, jinete, amazona, y caballista di Aruba pa e reunion general di OCA.

Esaki lo tuma lugar dia 5 di Juni di 7or pa 9or na Villa Floralina.

Dijtham Aruba - Schotlandstraat 67 - Oranjestad - Tel.: 588-9526
Dialuna - Diabierna 8Am - 6Pm, Diasabra 8Am - 5Pm



Aruba Bank kier informa di e siguiente metodonan di pago pa e schoolbijdrage pa aña escolar 2019 - 2020

Informacion necesario na momento di pago

- Number di AZV di Studente
- Nomber y Fam di Studente
- Number di e Scol

Cuenta di Banco: Aruba Bank
 Number di cuenta: Stichting Katholiek Onderwijs Aruba
 Number di cuenta: 6005292

TUR mayor cu paga SKOA Schoolgeld online prome cu 31 di juli 2019 ta participa pa gana AWG 500.-

Find us on:



www.arubabank.com



Hopi hende a sinti algo manera un temblor den madrugada pero oficialmente por confirma nada


ORANJESTAD (AAN): Tabata Dialuna madrugada banda di 12:05 am cu hopi hende na Aruba a sinti con nan cas a sacudi. Un desordo cu hopi hende ta asocia cu temblor, a wordo scucha.

Daknan a tril, bentananan a bati, y porta tambe a produci sonido. Sinembargo algun persona no a sinti nada di piso ta bati.

Pa mas di 1 aña caba, e tres accelerometers cu Aruba tin instala rond di e isla, parece di no ta funcionando mas. E ora tin di depende di e.o. Fundacion Funvisis cu sede na Venezuela, pa check si acaso nan seismogram por a detecta algo cerca di Aruba.

Sinembargo nan no a registra nada cu a pasa den cercania di Aruba pa 12:05 am.

E reportero Raymond 'Baboe' Hoek a informa



cu na Aruba tin un persona a lo menos cu tin un seismogram priva instala bao superficie pa vigila movimiento di tera. Su machine si a detecta algo cu a pasa pa 12:05:04 am, y cu a dura como 6 pa 7 seconde. Despues di esey tur cos a normaliza.

E tabata temblor of algo otro? Hopi a keda sorprendi cu e seismogram di Venezuela a detecta nada. Tambe cu Departamento

Meteorologico di Aruba no tin nada di bisa loke a socede e madrugada ey.

Esaki a crea speculation, cu e lo por ta un explosion fuerte procedente di Peninsula di Paraguana (Venezuela). Of kizas ta un avion di guerra cu a bula over of cerca di Aruba, y a bula mas rapido cu velocidad di sonido, y asina a crea un sonic-boom (explosion) cu tambe ta laga dak y bentana tril.

E lo por ta un avion di fuerza aereo di otro pais cu a pasa riba e isla? Un avion di guerra casi no ta raporta nan mes na Air Traffic Control. Ademas tin regla cu avionnan asina tin di evita di bula cu speed di riba Mach 1 riba terenonan pobla, pa no causa daño cu sonic-boom. A keda demostra durante Guerra na Iraq, cu explosionnan y hasta movimiento di helicopter di guerra ta wordo capta door di seismometers dera profundo den tera. Pues explosion tambe por wordo registra.

Explosion na Venezuela? Nada den prensa di Estado Falcon, ni di Zulia a raporta nada. Tampoco por a lesa nada riba Twitter cu tabatin un explosion Dialuna madrugada na e pais bisiña.

Un observador a indica, cu e chens ta grandi cu e por ta di berdad un temblor, cu un epicentro exactamente riba Aruba, pero di magnitud hopi abao (kizas 2.0° of menos). Pesey ta na Aruba so el a wordo sinti, algun bario mas cu e otro.

Finalmente como cu ningun canal oficial, ni di Gobierno, ni regional, no por a confirma cu loke centenares di hende na Aruba a sinti, tabata un temblor of no. Pero a lo menos un persona cu un seismogram priva riba e isla a capta algo cu asina por a haya sa cu un sacudimento a keda registra for di 12:05:04 y a dura te 12:05:10 di madrugada.

Imagen cortesía di Raymond "Baboe" Hoek.



Career Opportunities



Are you interested in a new and exciting challenge at one of our great Divi Aruba Resorts? Then here is your chance!

We have the following career opportunities available:

Divi & Tamarijn All Inclusives

- Cook I
- Cook II
- F&B Server
- Housekeeping Attendant
- Night Auditor
- Assistant Executive Housekeeper
- Carpenter (Fine)
- Mason
- Wedding Coordinator
- Leisure Services Shift Leader

Divi Golf/Dutch Village:

- Housekeeping Supervisor
- Lead Engineer
- Electrical Mechanic Specialist
- Kitchen Mechanic
- Cook II
- Bellman

Divi Aruba Phoenix Beach Resort:

- Sous Chef
- Front Desk Agent

Divi Aruba Sales Consultants N.V.

- Sales Concierge

To apply:

Submit your application via e-mail at:

hr@megaresorts.com

For hand delivered applications, please pass by our Human Resources Office located at the Tamarijn Aruba Beach Resort from Monday – Friday between 9:00 AM and 12:00 PM.

Family Car Rental N.V. Db. Dollar Rent A Car

Mester di Full Time/ Part Time

- Car Wash
- Mecanico

Min 23 aña
 Rijbewijs
 Propio transportacion

Interesado pasa personalmente den oranan di oficina na Gasparito # 1

Telefonnan di DIARIO 582-6747
Fax 582-8551

AVP ta alerta cu aumento di grondbelasting ta dal curazon di nos economia

ORANJESTAD (AAN): Den e simanan aki cobran- sanan di grondbelasting ta na caminda. Hopi hende a tuma nota un aumento di nan grondbelasting com- para cu aña pasa, miem- bro di fraccion di AVP, mr. drs. Richard Arends a mustra, vooral esnan cu a construi nan cas den e ul- timo añanan of inverti den nan propiedad.

“Mescos cu nos fraccion a trece dilanti den prensa, como tambe durante trata- miento di e ley di reforma fiscal: e aumento aki di grondbelasting ta afecta e clase medio, famianan cu a inverti den nan propie- dad, tin biaha cu hopi sacrificio. E aumento di grondbelasting ta afecta tambe profesionalnan, ta afecta esunnan cu a traha y kendenan a sacrifica hopi pa haci nan soño bira realidad y sigur e ta afecta empresanan mediano y chikito.”

Segun Arends, e medida aki ta dal na e curason di nos economia: e ta dal e persona nan cu ta e con- sumidonan mas grandi, empresanan mediano y chikito cu tin pa inverti pa pone e economia draai. Cu miras pa futuro, esnan cu a participa den e en- cuesta conduci pa Banco Central riba e percepcion di e consumidor ta hopi



preocupa pa e tempo nos dilanti.

E aumento di grondbelasting y e reaccion nan cu nos ta ricibiendo ta mera- mente den liña cu e con- clusionnan di e encuesta aki. Mester menciona cu e encuesta aki a worde haci prome cu e cobranza di grondbelasting a sali. E efectonan aki a worde premira y nos di AVP a bin ta adverti for di luna di december caba. Tambe gremionan a cuminsa vo- ciferar nan descontento.

AVP no tin nada contra un reforma fiscal pero loke nos a nota te aworaki, cu e reforma fiscal cu a worde presenta, no ta nada mas un aumento di impuesto. Pa loke ta trata e peso di impuesto, nos no tin duda cu esun cu por contribui mas mester por contribui mas. Esey tabata e liña di maneho fiscal cu gabinete

debe a baha.

“E aumento di grondbelasting aki ta contrario na e metanan cu Gobier- no mes a pone pa su mes den e plan economico cu a worde presenta. Cada Florin cu gobierno ranca for di nos economia, ta un Florin menos cu por worde gasta den e econo- mia y un Florin menos cu por worde inverti,” Parla- menario Richard Arends a mustra.

El a sigui señala cu e pensamiento di Gobierno riba propiedad ta basa riba un punto di salida robes: un propiedad no ta un servicio e no ta algo ‘consumible’. pero ta algo cu tey di e inversion c’un persona a haci, cu ta subi obviamente balor pero no necesariamente ta algo c’un persona por consu- mi. E balor di un propie- dad ta aumenta hopi mas,

den comparacion di loke un persona por gasta na mehoracion di un cas.

“Gobierno no por con- clui cu hecho cu un hende tin un propiedad, e lo por paga mas grondbelasting. Ademas den e reunion di parlamento gobierno a bisa enfaticamente c’un grupo lo paga 25% me- nos na grondbelasting y cu e aumento aki lo tin efecto ora cu e ‘tijdvak’ aki caduca na aña 2021. Niun di e dos declaracio- nan aki a resulta di ta ber- dad. Esaki ta nifica si cu esunnan cu no a haya un aumento aworaki na aña 2019, por conta cu aki dos aña sigur e aumento aki lo bin,” Parlamentario Rich- ard Arends a declara.

**Telefonnan di
DIARIO
582-6747
Fax 582-8551**

INTERUPCION DI CORIENTE

En conexion cu trabaonan necesario, coriente lo wordo interumpi den vecindario di:

- Seroe Patrishi (un parti)
- Modanza (un parti)
- Shiribana (un parti)
- Tanki Leendert (un parti)
- Purun

DIAHUEBS 6 DI JUNI, 2019
FOR DI 8:00 AM PA 4:00 PM

Elmar ta pidi disculpa pa e inconveniencia cu e interupcion aki por causa.

ELMAR
Redefining Energy

Danki pa e comprension

523 7100 | customerservice@elmar.aw



ANUNCIO/BLBA/057/19

Mediador di Gobierno na Aruba ta anuncia a base di articulo 15, inciso 1 di “Arbeidsbesluit III” cu e referendum menciona aki bao, tabata tin e siguiente resultado:

Fecha referendum	: Diahuebs, 29 di mei 2019
Number EMPRESA	: “GCA Auto Sales N.V.”
Cantidad empleado cu derecho di voto	: 53
Voto valido	: 43
Na favor di FTA	: 39
Na favor di Ningun bond	: 4
Voto blanco	: 0
Voto invalido	: 0
Resultado di referendum	: FTA SI a haya e mayoria

Aruba, 3 di juni 2019
Mediador di Gobierno
Anselmo Pontilius

Alumnonan di EPB cu a core stage na FCCA a haya certificado



ORANJESTAD (AAN): Diaranson 29 mei ultimo FCCA a haci entrega di certificadonan na studiantenan di EPB, sector Tecnico cu a core stage na FCCA. E periodo di stage tabata di 2 mei pa 29 mei

2019. E studiantenan di e sector Tecnico a traha un cura di bloki na un cas na Verano. Docente señor Rasmijn a guia e alumnonan durante ful e constuccion. E cura a worde traha cu e sistema

tradicional. FCCA ta masha contento cu e resultado y lo bay haci un donacion na EPB school Oranjestad den forma di material. Despues di e entrega di certificadonan a sigui un rato ameno unda

a brinda pa e resultado exitoso. FCCA ta contento di por aporta na enseñansa y na e comunidad. Meta ta pa sigui contribui cu esaki nan. FCCA ta desea e estudiante nan, Mayron Veeris, Ludwig

Pieters, Jonathan Dorothal, Christopher Campos, Ethienne Ras, Sharman Diaz, Edson Boekhoudt y Justyn de Andrade tur clase di exito cu nan estudio.

Aruba ta anfitrión:

Apertura oficial di e di 29 Conferencia di ACURIL a tuma lugar Dialuna

ORANJESTAD (AAN) — Aruba ta anfitrión di e di 29 Conferencia di e Asociacion di Bibliotecanan di Caribe (ACURIL), cu a inicia Dialuna 3 di Juli, cu e Ceremonia Inaugural, den presencia di Gobernador sr. Alfonso Boekhoudt, Minister di Enseñanza, sr. Rudy Lampe, y Minister di Enseñanza di Corsow Sra. Marilyn Alcala-Wallé. Sra. Astrid Britten, director di Biblioteca Nacional, a splica den entrevista cu DIARIO cu tin mas di 25 pais di Caribe participando den e conferencia aki, entre nan Merca, United Kingdom, Brasil, pues un plataforma basta internacional. E conferencia a cuminsa Dialuna y ta clausura Diahuebs y durante e siman aki lo trata e temanan: “Sostenible Development Goals” y



“Access to Information for all”, y con Bibliotecanan por contribui na e Agenda 20-30 di Nacionnan Uni. “Nos sa cu nan tin un programa ambicioso pa cumpli cune pa logra meta di desaroyo sostenible. Sra. Britten a subraya cu e beneficio pa Aruba ta hopi grandi mirando cu un planeta nos tin, y mester cuide. “Pesey nos mester ta mas sostenible posible”, sra. Britten a acentua. E orado di Mexico a elabora tocante con pa combati pobreza, seguridad y



obesidad cu ta situacionnan cu mescos cu tur otro pais, incluyendo Aruba, Mexico ta confronta tambe cune. Tin 17 meta cu lo kier cumpli cu nan. Sra. Britten a informa cu representantenan di ONU tambe ta presente den e

sala di exposicion, y tur informacion tey pa wordo duna na e participantenan, y na e invitadonan. E ultimodiadie Conferencia lo tin resolucionnan cu ta bin dilanti pa loke ta trata e resultado total y si e Bibliotecanan den Caribe

por haci algo hunto ya cu nan enfoca ta con hunto nan por logra sostene e 20-30 agenda di Nacionnan Uni. No obstante tin hopi reto, e retonan aki ta trece oportunidadnan tambe y riba e caminda aki mester cana.

Bucuti Beach Resort tambe yudando AHATA cu nan coastal cleanup



ORANJESTAD (AAN): Bucuti & Tara Beach Resort orguyosamente a participa den AHATA su Coastal Clean-Up e aña aki. Mas di 60 participante, incluyendo miembronan di staff y gerencia, huesped y studentenan di EPI sector “Ciencia y Tecnologia”, tabata presente.

Tur aña durante e International Coastal Clean-up di “Ocean Conservation”, miles y miles di voluntarionan ta acudi pa yuda piki sushi, sea ta na rieuw, meer of cóstanan di lama rond di mundo. Pa mas di

3 decada, mas cu 12 miyon voluntario a recoge mas di 220 miyon liber di sushi.

E aña aki como parti di e esfuerzo mundial, AHATA a organiza su di 18 Annual Coastal Clean-Up Day cu 800 participante haciendo limpi na 14 diferentelugar riba beachnan rond di Aruba su costa. “Manteniendo nos beach y costanan limpi pa nos mes y nos turistanan disfruta, pero tambe pa e sushi no perhudica e sobrevivencia di e fauna. Si un turtuga recién naci bayendo caminda pa lama drenta un cup di



plastic, lo e no sobrevivi. Esaki, prome cu nos a haci e clean-up aki, lo tabata un probabilidad halto” e Gerente di Sostenibilidad, Nathaly Stanley, ta splica.

Como regalo pa nan esfuerzonan, tur estudiante y maestro a ricibi un thermo pa awa di Bucuti & Tara Beach Resort cu por worde re-usa. Un regalo cu tur huesped di e hotel ta ricibi pa asina elimina e uso di botter di plastic.

“Na Bucuti & Tara Beach Resort nos ta sinti cu ta nos responsabilidad pa yuda haci y mantene nos beachnan limpi. Aruba



ta den e “nature business”, pasobra sin nos bunita naturalesa, lo no tin turismo” e doño y CEO di Bucuti & Tara Beach Resort, Ewald Biemans, ta bisa.

Riba cada di tres Diaranson di luna pa 24 aña caba, Bucuti & Tara tin nan Beach Clean-Up riba Eagle Beach, caminda huesped di e hotel ta uni cu staff y gerencia pa con-

tribui y duna back como aprecio pa nan experiencia Arubano. “Mi ta spera cu nos accionan hunto cu AHATA y mundo henter su movecion pa medio ambiente, ta un ehempel pa nos comunidad aprecia mas e bunitesa di e naturalesa di Aruba como un regalo cu nos mester preserva pa nos futuro generacion” Biemans ta bisa.


Antraco Business Solutions a haci donacion na Stichting Cas Marie



ORANJESTAD (AAN): Antraco Business Solutions como un di e leader nan riba e mercado di printing ta sumamente contento di por a yuda haci un otro donashon di un copier na Stichting Cas Marie.

Riba potret por mira Lisette Does di Stichting Cas Marie hunto cu Antraco su Technician Sidney Boekhoudt cu sa di a guia proceso tecnico y ta juda nos comunidad y muy especialmente e stichtingnan caricativo a biaha aki.

Sandra a gana di dos premio di MiniMega




ORANJESTAD (AAN): Dialuna mainta, un ganador feliz di e wegá di MiniMega a presenta na oficinanan di Lotto pa Deporte.

Sandra a bin cu su ticket, pa demostra cu el a gana di dos premio di recién wegá di MiniMega.

Cu e wegá aki, el a gana e suma di 14.907 Florin.

El a bisa cu el a cumpra e ticket na Djucu Mega Lottery. Masha pabien na e ganadora.



Awo cu 2 florin mas, bo por gana e **MEGA PLUS**

* Afl.

490.000,-

* Afl. 390.000,- + Afl. 100.000,-
sorteo ta awe nochí extra

Obtenibel na cualkier rebendado di Lotto.



Polis a descubri hende ta tene fiesta na Beach sin ningun permiso



ORANJESTAD (AAN): Pa awor caba, tur hende sa masha bon cu si bo kier organiza un fiesta riba beach na Aruba, hasta pa habri stul, pone mesa, of pone musica toca, bo tin di busca un permiso di antemano.

Diadomingo siman pasa banda di 5:15 pm, un unidad di Strand-

politie cu tabata coriendo riba LG Smith Boulevard, a yega na e area di lorada di e Boulevard, y a mira cu tin un tipo di fiesta riba beach. Tabatin cantidad di stul, mesa, un Barbecue grill, y musica duro ta tocando.

Mesora Polisnan a stop pa asina haci un control.

Aki e dama di inicial A. a bay papia cu Polis. Mesora Polis a puntre pa mira su permiso pa pone mesa, stul, y musica.

Aki e dama A. a bisa cu e no tin ningun clase di permiso. Polis mesora a bise, cu awor semper bo tin di pidi un vergunning pa haci esaki riba beach. Ademas

Polis a subraya cu ta completamente prohibi pa bo pone un Barbecue grill sea di carbon of gas riba beach.

E dama di inicial A. a mustra comprension, y a dicidi mesora pa kita e Barbecue grill for di riba beach, y lo bay tene cuenta cu den futuro tin di busca permiso pa cualkier actividad riba beach ora cu ta pone stul y mesa. Tin di busca e vergun-

ning aki na tempo. Polis a adverti e dama di inicial A., cu si acaso e laga beach y e area ey sushi ora cu nan pasa controla despues, cu e lo bay keda esun responsable pa atende cu autoridad, y cu e ta core riesgo di haya un procesverbaal. Mesora Polis a notifica Comandante di Warda tambe di loke nan a topa cune, pa asina demas patruyanan por pasa controla despues.

Luis Chong di Gele Koorts Muskieten Bestrijding

Actualmente no tin problema cu sangura di Dengue door di segura



ORANJESTAD (AAN): Pronto, Gele Koorts Muskieten Bestrijding (GKMB) lo cuminsa cu un campaña di informacion den cuadro di e temporada di yobida unda ta conoci tin hpi chens pa e sangura di dengue cuminsa trece problema y malesa den comunidad.

Luis Chong, Hefe di GKMB a duna di conoce cu actualmente no tin problema cu sangura di dengue door di segura y pasobra no tin awa cu ta acumula den cura.

Aworaki tin djis molester di sangura di mangel na Savaneta, Pos chikito. Pero esaki no ta un peliger pa salud aunke un molester grandi y GKMB ta atendiendo cu esey, a indica.

Ta conoci cu na Aruba asina awa ta cuminsa yobe ta cuminsa wak e casonan di criaderonan cu ta subi. Pesey GKMB ta preparando, a remarca.



University of Aruba

It is time for change

"Forgiveness does not change the past, but it does enlarge the future."

One of the biggest challenges the world is facing nowadays is fast changes on all areas. Communication facilities, climate, leaders and leadership approaches, political systems and societies change...what not? But despite of all the outer changes of which many may seem to bring benefit to the world, our level of security diminishes day by day.

In fact it's all about how we deal with it.. are we ready for inner change..?

Speaker

Sister Loes Bemmél hails from Suriname. She is a medical doctor, who from a young age, had the ambition to study psychology and behavioral science. She joined the Brahma Kumaris in Suriname in 1993 and went on a spiritual journey. She is now the National Coordinator for Brahma Kumaris services in Suriname. Apart from her administrative role, she lectures to different groups on spiritual topics.

Date: Thursday, June 6
Time: 5:30 - 7 p.m.
Room Garden 2,
University of Aruba
Entrance is free

For information:
www.ua.aw

Pa bo keda conecta cu



- Pa bo potretnan exclusivo
- Pa cubri bo evento
- Pa raporta irregularidadnan riba caya

ABO TA NOS WOWO RIBA CAYA PA
YUDA INFORMA NOS PUEBLO DEBIDAMENT



WhatsApp

592-9684

Omar Russel Viceconsul di Costa Rica na Corsow:

“Mi ta eherce e funcion aki cu hopi honor y respet”



ORANJESTAD (AAN) – E Viceconsul di Corsow, sr. Omar Russel, Viceconsul di Costa Rica na Corsow, durante e encuentro cu Drs. Eleisah Williams, encarga cu e division Politica, Economia y Asuntonan Consular di Departamento di Relacion Exterior, a expresa su satisfaccion di por a realiza e bishita aki, cu tabata toch pendiente. El a gradici e Consul di Costa Rica na Aruba cu

a tuma tempo y accion pa realiza e bishita aki, pasobra e tabata den contacto sea via email pero no a topa personalmente. E motibo di su bishita ta cu sra. Arends a puntre ki posibilidad tin pa nan sinta hunto sea na Corsow of na Aruba. E intencion ta pa e servicicionan cu nan ta duna por sigui no obstante nan mes no tey, sea cu ta bay cu vacacion, of otro, nan por yuda otro, por ehemplo pa

legaliza documentonan, y pa casonan di emergencia cu mester tramita.

Sr. Russel a splica cu e tin 19 pa 20 aña eherciando e funcion aki, banda di traha full time na Banco, y e no a mira e necesidad di bin hunto pero aworaki e oportunidad ta mustra cu mester a tene e reunion aki mas tempran.

El a conta cu e ta pertenece na e grupo di Banco Maduro y como tal hopi aña pasa y te ainda tin consuladonan cu ta cay bao e man socio-economico y ayudo di banco.

El a menciona por ehemplo e Consulado di Noruega, Mexico, Canada y Costa Rica, y antes Japon.

Sr. Russel tin 25 aña caba trahando na Banco, y el a wordo ofreci e oportunidad pa bira Viceconsul di Costa Rica, y el a haya esaki interesante.

Prome cu el a tuma e decision el a pensa cu e no sa mucho di e funcion aki ni di e responsabilidad cu e ta encera, pero e ta un persona semper habri pa reto y a acepta, na prome lugar pa mira kico e ta y con grandi e responsabilidad ta.

E ora ey e tabata cay bao sr. Johnny Frankel cu tabata Consul General di Costa Rica, y ken, lamentablemente, a fayece casi 8 aña pasa. El a conoce sr. Frankel tempo cu e tabata den edad grandi caba y hopi di locual e tabata haci como Consul di Costa Rica sr. Russel a siña den corto tempo. Asina el a bay pa binti aña caba.

Despues cu sr. Frankel a fayece sr. Russel a wordo ofreci pa tuma e cargo di Consul General, pero oficialmente e ta Viceconsul aunke e ta

realiza e trabao general.

Sr. Russel a comenta cu seis aña pasa el a pidi Ministerio di Relacion Exterior di Costa Rica cu si tin un costaricense mes cu kier tuma e funcion di Consul na Corsow e ta dispuesto pa splike tur cos. Pero te ainda no a surgi ningun hende interesa. Na Costa Rica nan ta satisfecho cu e trabao cu sr. Russel ta desempeña y e ta sigui cu hopi honor y respet y e ta bay masha bon. Su cargo ta abarca tambe Sint Maarten y e Islanan BES. Sr. Omar a subraya cu pa ta honesto e trabao no ta hopi, y ta bay mas tanto riba documentacion, legalizacion di documento, y masha poco tin cosnan estrecho cu Costa Rica.

Na Curacao, por ehemplo, tin entre 50 cu 60 residente Costaricense, pues e no ta encera hopi trabao.

E trabao tin su aspectonan menos bunita, por ehemplo ora un costaricense fayece den un di e islanan y mester regla e documentonan pa manda e curpa bek, of ora tin cu atende cualkier suceso, pero masha poco esey ta e caso.

E parti bunita ta legaliza

e documentonan pa e studiantenan di Corsow cu ta bay studia na Costa Rica. E ta enjoy hopi ora e muchanan local ta bay studia door cu Costa Rica awor ta ofreciendo ayudo economico y ta cerca di cas. Curacao tambe recien a cuminsa duna financiamiento di estudio pa studia den e region, incluyendo Costa Rica. E ta atractivo y tin cierto universidadnan cu ta bay Corsow pa recluta studiantenan y e Isla ta support esaki tambe.

A haci enfasis si, cu e cargo di Consul Honorario no tin salario. Pesey nan ta scoge personanan no solamente cu tin integridad, pero cu tambe nan tin un trabao stabil.

E ta brinda e servicio consular di Dialuna pa Diabierna di 9 or di mainta pa 12 or di merdia so, cu cita. No obstante e ta flexible ora ta presenta un situacion diferente y sumamente urgente. Y tambe e ta yuda sra. Arends ora e mester di esaki pa su servicio sigui cana y tur esaki en contacto cu Relacionnan Exterior na Costa Rica.

Ladron a horta wheelcovers di Nissan March cu a caba di yega Aruba

ORANJESTAD (AAN): Un unidad di Polis di Noord a wordo manda Diadomingo mainta 10:25 am, rumbo pa un adres na San Miguel pa check un asunto di ladronia.

Ora cu Polis a yega, nan a papia cu e dama di inicial S. El a entrega keho di ladronia di cuatro wheelcovers di un Nissan March cu el a manda busca di Japon y cu a caba di yega Aruba.


E vehiculo apenas a yega, pues ainda no ta registra y tampoco no tin plachi di number.

Polis a nota cu e auto falta cuatro wheelcovers di e wiel 165/70 R14. Ladron a pasa man pa e wheelcovers aki y bay cu nan.

E dama a bisa, cu riba Diasabra el a mira un conocido choller di Koyari ta cana den nan area, cu lomba sunu, rugtas preto, y cu un sweatpant preto.

Pero ningun hende a mira si acaso e persona aki lo a comete e ladronia. Tampoco e cas no tin ningun security camera instala pafo. A keda nada otro pa Polis tuma e keho. Investigacion ta sigui.

TA BUSCA



A ser perdi 2 poppy den bisendario di universidad Xavier, santa Helena straat. Esun blanco ta bao tratamiento di dokter.

Please persona cu tin informacion yama (+297) 594-6767 TIN RECONPENSA

Exclusivo

Husticia mester investiga acuerdo Citgo

Si a pesar di tur hecho cu a demostra cu Gobierno Mike Eman a bay contra ley pa introduci e acuerdo Citgo, ningun instancia ta tuma medida apropia, awe Husticia Mericano ta duna ehempel con mester actua ora un persona, un instancia of un gobierno por ta envolvi den actonan contra ley.

DIARIO durante practicamente un aña a haci investigacionnan prome cu Aruba a soña cu e actual crisis mundial lo a rementa dilanti di su porta.

DIARIO a adverti pa tur loke awe ta pasa Aruba, cu na 2016 a wordo pusha den un aventura despues cu gobierno Mike Eman a base di politikeria, a reduci BBO cu mita sin preparacion, a introduci e proyecto PPS cu awor Husticia ta studia, a crea un debe nacional cu Aruba mester paga cu interes, y a causa un crisis cu el a sconde den introduccion di e proyecto

Citgo.

Awe tur loke DIARIO a presenta como informacion ta presente y Aruba a bira un caos economico y financiero debi na e introduccion di e proyecto Citgo contra tur regla.

DIARIO na diferente ocasion a indica cu mester investiga e acuerdo Citgo pero nada a sosode.

Awe cu Husticia Mericano a actua y a dagvaard Citgo, cu como parti di PDVSA tabata escenario di corrupcion por lo menos, DIARIO ta considera cu e momento a yega pa democracia triunfa y keda demostra cu ningun instancia of persona ta riba ley.

Teniendo cuenta cu e daño enorme cu a wordo causa na Aruba, autoridad di Aruba mester investiga e Acuerdo di Citgo pa e siguiente motibonan.

1. Na momento cu a firma e acuerdo ya tabata conoci cu Venezuela no tabata tin placa y ya a cuminsa

hipoteca Citgo pa gobierno di Venezuela paga su debenan. Citgo no tabata legalmente di Citgo mas ora e proyecto di Citgo a wordo encamina.

2. Tabata tin documentonan existente di Asamblea Nacional di Venezuela cu a indica con Citgo tabata wordo laba dor di Gobierno di Nicolas Maduro.

3. Tabata tin indicacion di riesgonan grandi pa Aruba manera tur instancia na Aruba, den Reino y na mundo a adverti.

4. Gobierno Mike Eman a duna pueblo di Aruba e garantia cu e proyecto lo a conduci na un crecimiento economico di 15 porciento creando un futuro irrealistico a proposito pa e pais.

5. Gobierno Mike Eman a trapa riba ley pa introduci e acuerdo, cu pa su introduccion mester a wordo declara ilegal.

6. Gobierno Mike Eman a uza blackmail politico y a bisa pueblo cu oponente-

Exclusivo



Investigacion acuerdo Citgo!

nan politico tabata contra e proyecto cu tabata bon pa e pais y asina a sigura cu tur cu lo a sigui loke ley ta exige den un proceso legal constitucional, wordo mira como enemigo di reapertura di e proyecto.

7. Gobierno Mike Eman tabata na haltura cu el a pone economia di Aruba directamente na peliger despues cu ya e debe nacional tabata afecta e situacion financiero di e pais.

8. Gobierno Mike Eman a hinca suministracion di produccionan petrolero den man di Nicolas Maduro y asina hinca e pais den un problema mas grandi.

9. E negociadonan di Citgo a wordo acusa dor di Venezuela di a comete corrupcion y e partner principal den e negociacionnan a muri den prizon.

10. Awe e investigacionnan na Merca ta conduci na e

momento cu a dagvaard Citgo cu un gerencia nobo, cu a splica na e Ministro Presidente nobo di Aruba cu placa pa Aruba a wordo manda den pasado pero nunca a drenta caha di e proyecto di Aruba.

11. Hasta ora Citgo mes a admiti cu e mester warda cu e proyecto, ainda miembronan di e partido di Gobierno Mike Eman a insisti pa gobierno actual sigui cu e proyecto.

Teniendo cuenta cu e sucesonan aki y e crisis practicamente fatal cu Aruba ta biba aden, DIARIO ta di opinion cu awor mester duna inicio na un investigacion di e acuerdo di Citgo di cual e contenido, negociacion y acuerdo ta duna tur muestra di posiblemente tin mas cu un aspecto di accion ilegal, en todo caso contra ley y castigabel segun ley.

Minister di Medio Ambiente:

Incinerator nobo dentro di poco ta bay cuminza procesa desperdicio na un forma cu ta bon pa medio ambiente

ORANJESTAD (AAN): Dialuna mainta durante e conferencia di prensa di Gobierno, Minister di Medio Ambiente Otmar Oduber a papia riba e 'incinerator' nobo.

"Nos ta papia aki di dos diferente incinerator, unda cu na December via un destaho Gobierno a adkiri un incinerator cu tin cu bay atende cu tur loke ta 'sludge', cu loke ta pasa den e sistema di riool di Aruba y ta sali despues di wordo procesa".

Esaki segun e mandatario kende a indica cu anteriormente esaki ta wordo kima habri den un asina yama "open air burner".

"Mirando e maneho cu Gobierno tin pa hasi e tipo di procesamentonan aki na un forma hopi mas amicable



pa nos medio ambiente, a dicidi di bay den e direccion pa hasi uso di fondonan di FDA cu a resta y nos lo a perde despues di 31 di December", segun Oduber.

El a sigui bisa cu tabata importante pa bin cu e in-

cinerator nobo aki, mirando cu e manera con tabata procesa e sludge, como tambe e desperdicio medico no tabata esun di mas adecua.

Despues cu a keda cla cu e proceso di destaho, awor ta conoci cu pa fin di e

luna aki ya caba e equipo ta bay ta na Aruba y esaki kiernen cu dentro di algun luna ta bay kima y procesa e 3 tiponan di desperdicio na e manera corecto y mihor pa medio ambiente.

E mandatario a duna tambe un splicacion riba e conflicto cu tin cu e compania anterior esta Johnson, cu mester a atende cu e sludge.

Ta asina cu tabata paga e compania aki 1.3 milyon florin pa aña pa procesa e sludge, unda cu segun e acuerdo full e desperdicio mester a wordo kima te bira sas, pa tire despues riba dump.

E manera aki e lo no hasi daño na nos medio ambiente. Oduber a splica sinembargo, cu ora cu a bay wak

mas di cerca y a hasi testnan, a resulta cu e sludge no tabata wordo kima full seco manera e acuerdo tabata stipula.

"E cake cu ta sali cu ta manera un lodo, ainda tabata ainda mas cu 70% muha".

"A base di e contrato e sludge mester wordo kima totalmente seco y door cu no a cumpli cu esaki, Gobierno a dicidi di termina e contrato cu e compania". Esaki segun Oduber, kende a indica cu awor e compania a hiba Gobierno corte, door di terminacion di e contrato.

E sistema nobo cu e incinerator nobo si ta bay hasi e proceso completamente satisfactorio, segun e mandatario.

Diaranzon Minister Bikker ta bay reuni cu e habitantenan preocupa di San Fuego y vecindario

ORANJESTAD (AAN): Minister di Husticia Andin Bikker durante e conferencia di prensa di Gobierno di tur Dialuna a papia riba e hecho cu el a ricibi un carta di un representante di e habitantenan di San Fuego y e otro areanan rond, caminda cu nan ta pidi pa un reunion urgente pa cu e molester cu nan ta hayando di diferente vehiculo cu ta wordo uza den nos turismo.

“E companianan cu e



turistanan ta hasi uso di e ruta cu ta pasa cerca di e cas di e personanan aki y nan tin molester di esaki”.

“Tambe nan a expresa cu cobamento di santo tin nan hopi molestia”.

“E regulacion di trafico ta cay bao di mi ministerio, mescos cu e ‘hinderverordening’”.

Esaki segun Bikker, kende a indica cu Diaranzon e ta bay reuni cu e representantenan di e habitantenan pa tuma nota di nan preocupacionnan y pa purba yega na solucionnan concreto.

“Ya caba tin controlnan severo ta tumando lugar riba local ta e exigencianan cu tin pa cu e vehiculonan aki”.

“Nos lo sigui duna atencion stringente na e preocupacionnan di e habitantenan aki, mirando tambe cu den pasado reciente tabata tin cierto accidentenan lamentable cu a tuma lugar, cu nos kier evita”, segun e mandatario.

Cinco compania internacional lo bid pa construi y expande edificio di Aeropuerto



ORANJESTAD (AAN): Aruba Airport Authority N.V. (AAA) hunto cu su partnernan di e proyecto a finalisa e diseño y documento di tender pa e construcccion di e “main terminal”, y a completa e proceso di precualificacion pa e bidnan pa e contract pa e construcccion di e main terminal.

E trabaonan di preparacion, realocacion y mehoracion di aeropuerto su sistema principal di utilidad ta andando y den e siguiente etapa lo conclui e resto di e proceso di planiamento pa asina e proyecto dreña e fase di construcccion completo.

E resultadonan di e proceso di precualificacion pa e contract di construcccion di e edificio principal ta finalisa y e siguiente 5 companianan lo participa den e proceso di tender: Aecon Group Inc., Ballast Nedam International Projects B.V., Bam International B.V., Bouygues Batiment International y Tav Tepe Akfe Construction & Operation Co.

E contratista cu wordo selecta lo ta responsabel pa e construcccion di e expansion di e terminal y tambe e cambionan y mehoracion di e caminda y parkinglot. E documento di Tender y tur pintura



tecnico a worde entrega dia 31 di Mei y e bishitanan na e lugar lo worde plania den fin di Juni. Tur bid ta worde spera di worde ricibi den September.

“Nos ta ansioso cu e siguiente stap di e proyecto Gateway 2030. E participacion di e companianan di construcccion internacional cu hopi experiencia lo brinda e conocimiento y experticio necesario pa di forma efec-

tivo realiza nos programa di construcccion y tambe brinda oportunidad y partnership cu subcontratistanan local pa traha hunto cu nan pa brinda tambe oportunidad di empleo local.

E expansion di e terminal cu 34.000 m², den un tempo estima di 4 año di construcccion, lo brinda e upgrade di capacidad y servicio necesario pa e cantidad creciente di pasahero cu ta pasa door di

nos aeropuerto tur dia. Nos ta hopi satisfecho cu e experiencia y experticio di e companianan di construcccion cu a precualifica pa participa den e bid y nos ta confia cu e proceso lo culmina cu resultado positivo. Nos ta ansioso pa mira e construcccion tuma lugar pa Aeropuerto di Aruba su Proyecto di infraestructura,” asina AAA su CEO Sr. James Fazio a bisa.

Parlamentario Alan Howell Minister Otmar Oduber awe den Parlamento pa un vragenuur ariba incineratornan, Parkietenbos y Sanitary Landfill



ORANJESTAD (AAN): Awe Diamars 04 di juni 2019 minister Otmar Oduber lo ta presente den sala di Parlamento pa asina contesta varios pregunta cu Parlamentario Alan Howell tin pe. Esaki muy en especial riba e topiconan di Incineratornan, Parkietenbos y Sanitary Landfill. Tambe tur e otro 20 parlamentarionan lo tin e oportunidad pa haci pregunta na e minister en cuestion.

Parlamentario Howell, ta considera cu ta importante pa Minister bay Parlamento pa responsabilisa su mes pa cu e desaroyo nobo cu ta tumando lugar y pa e por contesta preguntanan cu tin. Alan Howell ta di opinion cu ta deber di un parlamentario pa haci un minister pregunta na bienestar di nos pais.

Esaki ta e preguntanan cu entre otro Parlamentario Howell lo desea contesta riba nan:

1. Minister lo por splica den ki fase e proceso di destaho ta pa local ta e waste to energy facility pa Aruba?

2. Minister por splica ki partidonan ta involvi den esaki cu ta sostene Pais Aruba?

3. Minister por splica den ki fase e destaho di remediacion di Parkietenbos ta y ki interes

esaki a ricibi nacional y internacionalmente?

4. Minister por splica kico lo pasa cu sushi cu no por bay e waste to energy facility?

5. Minister por splica con lo financia e diferente destahonan (waste to energy/ parkietenbos)?

6. Pa local ta incinerator di medical waste/cadaver, minister por splica si un destaho publico a tuma lugar pa cu esaki?

a. Acaso esaki e tuma lugar minister por splica con esaki a tuma lugar?

7. Minister por informa cuanto e incinerator pa medical waste y sludge a costa?

8. Pa local ta e incinerator, minister por splica con esaki lo wordo financia?

a. Cua lo ta e efecto pa presupuesto di Pais Aruba awo y den futuro?

9. Minister por splica kico e motibo ta pa adkiri dicho incinerator?

10. Minister por splica e papel di Serlimar den esaki?

11. Minister por splica riba e plan pa local ta solucion pa dump ilegal?

Despues di e vragenuur Parlamentario di Fraccion di POR lo duna mas informacion riba e informacion presenta pa Minister Oduber.

Jerusha Arends di AZV:

Lo tin rond di 80 stand durante e prome 'Aruba Health Fair' diasabra awor

ORANJESTAD (AAN): Diasabra awor dia 8 di Juni, AZV ta bay ta organizando nan prome 'Aruba Health Fair'. Den e feria di salud aki Departamento di Salud tambe ta bay ta presente cu tres seccion.

Vocero di DVG, Jurette Croes a laga sa cu nan lo participa cu GKMB, cu e Seccion di Cuido di Salud Hubenil y cu Seccion di SPD cu ta e Servicio Social Sikiatrico.

Dialuna mainta DVG a invita pa ta presenta na e conferencia di prensa semanal, algun representante di AZV pa asina por duna mas informacion.

Jerusha Arends, Hefe di e Departamento Financiero di AZV a splica cu e feria di salud lo tuma lugar na e edificio di AZV na Rumbastraat 21, Camacuri di 4 pm te 10 pm. E idea di e feria di salud aki ta pa por brinda mas hopi informacion posibel na e pueblo di Aruba ariba terenonan manera prevencion, diabetes, cuido di hospital, entre otro. Pa cu esaki lo tin rond di 80 stand cu diferente fundacion cu lo duna informacion y presentacion pa asina e pueblo di Aruba por ta mas informante tocante e tereno di salud, a



bisa.

Tambe lo tin diferente workshop durante henter e actividad aki unda lo tin personanan specializa y oportunidad pa haci pregunta di un forma interactivo.

Tambe lo tin speech di diferente docter specialista cu lo ta presente e dia aki. Lo tin actividad pa mucha, demostracionnan deportivo, musica, bar y cushina surti.

A agrega cu e idea pa ta pa pone hunto tur cos cu tin di haber cu salud na Aruba y tambe internacionalmente pasobra ta bay tin hospitalnan cu AZV ta uza pa cuido medico den exterior cu tambe lo tey.

Lo cobra un suma simbolico di 5 florin pa entrada. Tur mucha bao di 16 aña lo dren-

ta gratis, Arends a indica. E suma aki ta pa despues por yuda bek na e fundacionnan cu ta participando di e feria, a remarca.

Tin un App di Aruba Health Fair cu a wordo crea specialmente pa e actividad aki. Tur hende por download e App aki y haya acceso na tur e skema di e feria di salud. Tambe por registra pa e workshops. Pa ticket por pasa AZV of paga e mesun dia ora di drenta, a remarca.

Ora di registra ariba e App tin premionan atractivo manera ticketnan vakantie pa Merca cu estadia na hotel pa dos persona ida y vuelta. Ora di registra lo tin mas chens pa gana un premio, Jerusha Arends a bisa.

Scol di Musica Rufo Wever den spotlight



ORANJESTAD (AAN): Diadomingo awor, 9 di juni, pa 4'or di atardi den Cas di Cultura, alumnonan di Scol di Musica Rufo Wever, bou di guia di e docentenan, lo brinda amantenan di bon musica nan concierto di fin di aña escolar. Nan lo presenta un programa varia den estilo y combinacion di instrumentonan pa cera e aña escolar 2018/2019.

Nan lo interpreta cancionnan crioyo, regional y tambe internacional. E alumnonan lo demostra nan habilidad riba diferente instrumento, entre otro instrumentonan Orff, piano, baho, guitarra, cuarta, drums, percusion, fio, trompet y tambe canto. Lo presenta den gruponan chikito, grandi y tambe como solista. Carchi ta obtenibel cerca administracion di school di Musica Rufo Wever na Cas di Cultura piso ariba y na porta dia di e concierto.

A.T.A. cu reunionnan clave pa e mercado di Latino America



ORANJESTAD (AAN): E siman aki a tuma lug a Latino America Data Summit 2019. Esaki ta un encuentro importante pa Oficina di Turismo Aruba (A.T.A.) ya cu ta analisa e estadisticanan di e mercado turistico di e continente di Latino America. Di e forma aki ta determina ahustacionnan necesario pa loke ta maneho y mercadeo di nos isla como destino.

E Data Summit pa cu Latino America ta un evento cu ta tuma lug a un bes pa aña. Di Aruba Tourism Authority, CEO Ronella Tjin Asjoe-Croes, CMO Sanju Luidens-Daryanani, y Gerente di Strategia, Investigacion y Planificacion Melanie Evans-Kelly a biaha pa Bogota-Colombia pa e acontecimiento aki. Ademas tawatin participacion di representantenan di Brasil – Colombia – Argentina – Peru – Chile y Venezuela, como tambe esnan encarga cu ‘advertising, PR’ regional pa e continente aki.

Data Summit

Entre e topiconan riba e agenda tawatin entre otro ‘The mandate for Growth - Value’ cu ta basta cla cu su obhetivo pa haya bishita di turista cu ta gasta. Ademas a combersa di ‘Millenials’ y ‘Kico e bishitantenan ta haci durante nan estadia na nos isla’. E mercado Latino Americano ta uno cu ta trece relativamente mas Millenials pa nos isla. Tambe a para keto riba e mercado cu contribucion durante e lunanan mas labou incluyendo mei, juni, september entre otro.

Ecomportacion y resultadonan di cada mercado a wordo

analisa profundamente; ken a logra atrae te cu awo, cuanto nan entrada anual ta, cuanto nan a gasta riba nos isla, con nan a gasta, kico nan interesnan ta y asina con por ahusta strategia di comunicacion conforme metanan stipula. A ricibi tambe un presentacion separa di Google, cu cual A.T.A. ta traha di cerca. Por ultimo, ‘tour operador’ prominente pa e region esta ‘Despegar’ tambe a duna un presentacion y pasa riba resultadonan pa cu Aruba. **Enfoke pa 2019 ta pa e mercado di Latino America crece cu 3.6%.**

Ta bon pa menciona cu pa aña 2018, e mercado di Latino America a trece un total di 164.085 bishitante pa nos isla, cual ta representa 15.2% di e total di bishitante pa Aruba.

Honor na esnan cu a celebra nan aniversario

Pa Aruba Tourism Authority ta esencial pa semper reconoce e perseverancia y dedicacion di e miembronan di su ekipo. Cada pasa dos aña A.T.A. ta reconoce varios di su miembronan pa medio di e evento ‘YOU!’ cu un medaya special pa tanto aña di servicio. Den cuadro di esaki, durante e bishita na Bogota-Colombia, CEO di Aruba Tourism Authority Ronella Tjin Asjoe-Croes a honra varios miembro di e equipo cu ta ubica na Latino America trahando pa A.T.A., pa nan 5 aña di labor y dedicacion. Aunke tur a cuminsa na 2011, a celebra nan 5 aña e dia aki.

Nan tabata Luisana Requena Croes, Asistente Administrativa Venezuela - Dayanara Chinome, Gerente de Ventas Venezuela y finalmente Johana Santiago Infante, Gerente de Relaciones Publicas



y Comunicaciones LATAM. CEO Tjin Asjoe-Croes di

A.T.A. a expresa palabranan di elogio y aprecio y nan a ricibi un reconocimiento di honor

(medaya cu logo di Aruba) pa cu nan aniversario. -FIN-

Kiwanis Club of Palm Beach a haci donacion di watercoolers na varios scol di Aruba

ORANJESTAD (AAN): Kiwanis Club of Palm Beach e aña aki un biaha mas a continua su proyecto social pa yuda den e necesidad pa watercoolers na schoolnan rond Aruba. Awa ta un recurso masha importante pa salud di cada ser humano y esaki ta conta sigur pa muchanan cu ta bai school. Awa ta un forsa di bida y ta importante pa cada mucha bebe suficiente awa durante horanan di school cada dia. Esaki ta unda un watercooler ta yuda hopi pa subministra e awa den un forma eficiente, facil y fresco. E obhetivo final ta pa muchanan por concentra mihor riba nan les y obtene un bon resultado educativo. Pa percura den e necesidad di schoolnan pa watercoolers, pa varios aña Kiwanis Club of Palm Beach ya ta duna aporte den e area aki. Pa hopi aña caba e club di servicio ta instalando watercoolers na schoolnan rond Aruba.

Na inicio e donacion/ instalacion di watercoolers tabata wordo haci ariba peticion di schoolnan especifico. Pa e ultimo tres (3) añanan Kiwanis Palm Beach a tuma e decision di haci instalacion di watercoolers na schoolnan un “signature project” di e club y cada aña a instala mas cu 20 watercoolers

na schoolnan basico rond di Aruba. Ta mas cu claro cu un gran cantidad di mucha, alrededor mas cu 10 mil, asina ta beneficiando di acceso na awa fresco y frieuw tur dia. Recientemente e club a otorga tres watercoolers nobo na e siguiente schoolnan: Cacique Aterima, Nos Paraíso y Trupial Kleuterschool.

Riba e potretnan aduntu por mira e instalacionan cu a keda realisa pa Aruba Climate Control cu ta un partner den e proyecto menciona. E staf di maestro di e schoolnan a keda sumamente contento y a gradici Kiwanis Club of Palm Beach pa nan sosten.

Kiwanis Club of Palm Beach kier enfatiza cu esaki ta un programa social structura caminda cu cada un aña ta aloca fondonan cu e club ta recauda pa garantiza instalacion di por lo menos 20 watercooler durante e aña Kiwanistico. E actividadnan di recauda fondo di mas conoci ta e famoso Kiwanis Palm Beach Masquerade Party, e Kiwanis Carnival Fundraising Tent, e Kiwanis Palm Beach Nostalgia Party, como tambe un Dinner & Auction cu ta wordo organiza bi-annual. Cu su programanan social Kiwanis Club of Palm



Beach ta duna bek na comunidad tur local cu ta wordo recauda anualmente. E aña aki Kiwanis Club of Palm Beach lo ta otorgando en total 20 watercoolers mas. Pesei ta haci un apelacion awor na schoolnan cu tin mester di e equipo importante aki, pa tuma contacto cu Kiwanis Club of Palm Beach. E intencion di e club di servicio ta pa percura pa e watercoolers cu ta disponibel wordo otorga caminda cu e necesidad ta mas halto y pa esaki pasa prome cu apertura di e aña escolar nobo. Pesei por tuma contacto libremente cu/via secretary@kiwanispalmbeach.

Kiwanis Club of Palm Beach ta orguyoso di por yuda cu programanan social pa muchanan na Aruba te cu unda e capaciad di e club ta permiti.

Desde 1 di juni 2019 tur instancia ta obliga pa registra casonan di abuso y negligencia

Bureau SosteneMi apunta como e meldpunt nacional pa registracion casonan di abuso di menor

ORANJESTAD (AAN): Proteccion y siguridad di nos muchanan y esnan vulnerabel den nos comunidad tin e prioridad di mas halto pa Ministerio di Asuntonan Social y Labor como tambe pa tur partner trahando hunto den e tereno social. Desde inicio di Social Crisisplan ta dirigi tur esfuerso pa traha den union y cooperacion pa asina yega na maneho specifico riba e tema di proteccion di tur mucha.

Conseho di Minister a tuma un decision na luna di mei ultimo stipulando cu Bureau SosteneMi ta ser apunta como e meldpunt nacional cu lo fungi como punto di registracion di tur caso y preocupacion di abuso y negligencia di menor na Aruba.

Esaki ta nifica cu desde 1 di juni 2019 tur instancia ta obliga pa registra casonan di abuso y negligencia



na Bureau SosteneMi segun articulo 243 di e Codigo Civil nobo. Un otro tarea principal di e meldpunt nacional ta pa duna conseho na profesional y cuidadano cu tin preocupacion tocante abuso di un menor.

Banda di esaki, den un cantidad di casonan, e punto di registracion ta investiga casonan pa clarifica si un forma di abuso ta tumando

lugar y lo coordina e pasonan cu lo mester tuma siguiientemente den bon comunicacion cu otro instancianan concerni.

Articulo 243 ta regula e definicion di un meldcode contra abuso di menor tambe. E articulo ta defini e meldcode como un plan di accion con pa actua ora un instancia ta haya señal di abuso of negligencia di menor. Tur departamento y instancia concerni lo traha un plan di accion specifico kiko mester haci den casonan asina. Pa medio di Social Crisisplan ta trah-

ando intensivamente cu tur stakeholder riba e tema aki cu ayudo tecnico di UNICEF y Augeo Foundation riba loke ta e preparacion y implementacion di e meldcode.

Ta importante pa sa kiko ta abuso di un menor. Abuso di menor ta ora cu un mayor, cuidador, famia of amistad sea pa accion of pa no actua, causa lesion, morto, daño emocional of riesgo di daño serio na un menor di edad. Tin hopi forma di maltrato di menor cu ta inclui negligencia, abuso fisico, abuso sexual, abuso

emocional of explotacion di un menor. Si ta sospecha cu un menor ta wordo abusa den un forma of otro of ta desea di raporta un caso di abuso, yama e meldpunt nacional di Aruba: Bureau SosteneMi na telefoon 588-1010. Tur yamada ta gratis y por keda anonimo.

Gobierno hunto cu tur partners den Social Crisisplan ta trahando intensivamente pa logra e meta principal di trece proteccion y siguridad pa tur mucha na Aruba. Responsabilidad di nos tur como un comunidad ta pa protehe nos muchanan.

Ta trata di "Anthonomus tomentosus"

Na Aruba a descubri un pest cu ta atacando matanan di Shimarucu




secto ta pupa for di nan. Ariba 061118 e ta nota cu ta un tipo di Picudo of Snuitkever ta sali di nan.

Confirmacion di e sorto di Picudo DLVV a logra haya por medio di lazonan di Caribbean Plant Health Directors cu Florida Department of Agriculture and Consumer Services, Division of Plant Industry, Kyle Schnepf.

Combato di e peste aki ta muera dificil debi cu aplicacion di insecticida ora cu nan ta ariba e Shimarucu ta dificulta cu por come e frutanan. Un insecticida aplicabel ta di e tipo "Spinosad".

Otro forman di control ta pa piki tur fruta cu cay for di e mata y mara den saco di plastic y pone 48 ora den solo. Sin embargo Shimarucu hende ta haya ariba henter e isla y esunnan den mondi lo keda promove e plaga. DLVV ta asumi cu e plaga lo competi cu e otro existente manera e Lebelebe y Musca di Fruta di Mediterraneo cu e posibel consecuencia pa e otro animalnan cu sa disfruta di Shimarucu. Den region na 1987 hendenan a establece su presencia na Venezuela.

Den e mesun luna DLVV a haya confirmacion di presencia di Bacopa monnieri,



Water Hyssop na Ingles, den un duiker pariba di Marriott Hotel. Esaki DLVV a haya di Dr. André van Proosdij, autor di "Arnoldo's Zakfloora, Wat in het wild groeit en bloeit op Aruba, Bonaire en Curaçao".

Segun van Proosdij e ta un mata cu ta crece den region pero di pantano. E ta conclui cu e Arubiano a cambia e biotopo di tal forma cu awor e Bacopa por establece su mes. Tambe pasobra, algun aña caba, e ta presente na Curaçao.

Presencia di ambos especie den e naturalesa di Aruba lo aumenta su biodiversidad cu e posibilidad di pusha algun mata local den extincion, loke lo ta indeseabel. Pa e motibo aki DLVV a informa instancianan pa nota e especienan aki menciona como exoticonan presente na Aruba.

#denCorte

Recien casonan di Divorcio



ORANJESTAD (AAN): For di ultimo edicionnan di Landscourant van Aruba, aki DIARIO ta reproduci e recien casonan di divorcio, unda especificamente Huez a duna orden pa esaki worde poni den e publicacion oficial. Tuma nota pues cu no ta tur divorcio ta wordo poni den Landscourant.

• Den decision di 17 September 2018 di Corte di Prome Instancia na Aruba a duna divorcio entre **Rosetta McEnnis** y **Henry Joseph Arnaud**, ambos biba na Aruba.

• Corte di Prome Instancia na Aruba a duna decision di divorcio dia 26 November 2018 entre **Isabel Soriano** biba na Aruba, y **Cristobal Zorilla Garcia**, di kende su lugar di biba of keda na Aruba no ta conoci.

Demasiado cansa? Bo por sufri di "burnout"

Agotamento fisico y emocional, stress, dolor di stoma, incapacidad pa haci trabaonan di dia a dia ni pa cuida bo mesun hendenan. Mas cu cansancio, esaki ta señalnan cu bo por tin sindrome di burnout.

E termino burnout a wordo uza pa prome biaha pa e psicologo Herbert Freudenberger den decada di 70 pa describi consecuen- cianan di stress severo. Aunke den un principio e tabata referi na sintomanan di personanan cu tabata traha yudando otronan, manera docter y enfermeronan, awe tambe ta aplica na cuidadornan, amanan di cas cu tin yiu y otro trabaonan cu e personanan por sinti "kima", kiermen, incapaz di haci un sacrificio mas.

Esaki ta wordo considera un sindrome pasobra burnout no ta un malesa riba su mes, sino un grupo di sintomanan, algo cu por haci su diagnostico mas dificil. Den un articulo skirbi pa investigadornan di Colonia, Alemania, nan a defini e tres area principal di sintoman- an cu por yuda identifica si bo ta sufri di esaki:

- Agotamento-

Bo por sinti un cansancio extremo fisico y emocional, manera bo no ta capaz di haci nada y bo no tin suficiente energia. Ta posible cu esaki ta acompaña di dolor of malestar di stoma of intestino.

- Alienacion den trabao-

Bo trabao ta cada biaha mas estresante y frustrante y hasta bo ta bira cinico cu bo coleganan. Cada biaha bo lo distancia mas emocional- mente y bo ta sinti sin gana den horario laboral.

- Poco rendimiento-

Burnout ta afecta especialmente e cotidianidad den trabao, hogar of cuida miembronan di famia. Bo sa ta hopi negativo y ta dificil pa concentra y tin creatividad.

Hende Muher ta mas afecta

Hende muher, generalmente, ta mas propenso pa sufri di burn- out. Di un banda, ta sufri di ansiedad y depresion doble cu hende homber, di otro banda, hopi mester alterna e rol profesional cu maternidad y cuida di hogar.

- Fatiga no ta mehora cu descanso
- Un di e mihor hermentnan pa sali dilanti y supera fatiga, den e casonan aki, ta pidi ayudo aunke ta resulta dificil. Tin hende muher cu ta sinti cu nan ta perde control di situacionnan, si nan ta pidi ayudo, otronan por pensa cu ningun hende por haci cosnan mesun bon cu nan; segun exper- tonan, hopi factornan por influencia.

-Con pa enfrenta burnout-

- Homber od muher, sindrome di burnout por afecta seriamente bo salud, bo relacionnan cu otro personanan y bo trabao. Nos ta duna bo tres recomendacion cu por sirbi pa mehora bo carga fisico y emocional y enfrenta e agotamento extremo.
- 1. Siña bisa "NO". No solamente bo mester siña bisa no, bo mester haci esaki hopi biaha. Si bo ta acepta cualkier peticion y ta bisa si na tur cos, lubidando di bo mesun necesidadnan, bo lo termina agota.
- 2. Wanta tempo pa bo mes. No lubida di programa bo citanan medico, ratonan pa trata bo cuida personal, laga tempo pa pasa momentonan agradable cu amigo of famianan of simplemente ta trankilamente haci- endo nada.
- 3. Balora apoyo di otronan. Kita idea di bo cabes cu bo ta e unico persona capaz di haci cosnan bon den bo cas of den bo oficina. Si tin un hende cu bo por delega trabaonan of cu por yuda bo, no duda di pidi ayudo.



RECETA

Shrimp Avocado Salsa



Ingredientenan:

- 1 liber di shrimp pela y limpi, corta chikito
- 2 tomati mediano, sin semia y corta chikito
- 2 awacati mediano pela y corta chikito
- 1 copi di cilantro fresco corta chikito
- 1 promenton cora corta chikito
- 3/4 copi di ciboyo cora corta chikito
- 1/2 cup concomber sin semia
- 2 lamunchi, juice so
- 1 jalapeño, sin semia y corta chikito
- 1 tsp di salo

Preparacion:

- Corta tur ingrediente (cu excepcion di e ci- lantro) den mesun tamaño y mezcla tur cos bon den un baki di glas. Lag'e sinta pa un hora si por, si no sirbi'e di biaha cu bo chips preferi (tortilla chips ta esun mas recomen- da). Ahusta salo na bo gusto.



**The Eighth
Continent, INC.**
Import & Export



Arendstraat 103 Oranjestad Aruba P.O. Box 440, Aruba
Tel: (297) 582-1304, Fax: (297) 583-5083
Website: www.tecaruba.com

Tips pa e homber stima bo y ta fiel

Ultimo dos siman e reacionnan riba e articulonon personal tabata asina grandi cu mi a dicidi di sigi e siman aki, un biaha mas den e mesun direccion, pero cordando bo cu su sin salud, no tin amor...relacion..bida..no tin nada!

Hende homber ta un misterio ...kico lo pasa si bo manda un flor of skirbi'e un carta di amor? Bo samihor no...pero e tipnan aki si por yuda bo tene e relacion of matrimonio fuerte:



- FRIGIDAIRE

-Zorg pa e frigidaire y cushina ta bon gestock. Tin ta bisa e amor di un homber ta cuminsa via e stoma. Dune di come y bebe ...y e lo ta feliz. Cushina cu amor si ...no djis pasa chines y cumpra algo. -Hende homber gusta sex y snacks. Manera boso caba, bis'e bo tin algo dushi p'e. Bay frigidaire of cushina y trece un snack dushi p'e....claro algo saludabel manera strawberry, patia of chuculati scur cu lo yuda pa round 2.

- WHATSAPP OF EMAIL

-Mand'e score di e wega di baseball of futbol cu e no a logra wak pasobra e tabata cu bo y e yiunan...of link pa su show favorito y en principio di cosnan cu bo sa e gusta wak of lesa.

- LANT'E ..BROMA DI DJE

-Bisa tur hende ...famia, colega, amistadnan...con fabuloso bo homber ta. Con tremendo hende, casa, tata, amigo ...enz e ta. Laga nan sa cu a bo ta haya cu e ta e ultimo boter di awa den desierto. Esaki lo lanta su ego manera hooiberg.

- DUN'E

Ward'e den un negligee of sunu mes ora e yega cas. Kere mi su cansancio lo kita di biaha ...y despues bay step 1 cu ta dune su otro cuminda ...esun cu bo a cushina p'e.

- MENTE HABRI

Tene un mente habri den cama. Si e kier purba cosnan nobo (cu ta normal), bay p'e. Si e kier pa a bo ta Beyonce y balia p'e, sea Beyonce ...y balia p'e. Si e kier bo bisti un peluca blond of cora, dal bay.

- EXCITANTE

Haci cosnan pa tene e relacion y matrimonio excitante; Aunke nan ta homber di 30, 40, 50 aña di edad, un homber ta keda cu algo di mucha den dje.

- AMIGONAN

Trata su amigonan (esnan cu ta hende drechi) mescos bo lo trata bo amiganan. Trata nan bon mes ...hari cu nan pasa pret cu nan ...laga e odio cu bo tin pa nan eigenlijk los poco poco.(LOL)


- SENSUAL

-Cende un bela ...dim e luznan y masahe su pianan ..su nek ...su lomba. Y zorg bo caba e masahe cu un final feliz (bo sa kico mi kiermen) Ora cla, paga e belay scuch'e chill den scuridad.

- TENT'E

-Tent'e y haci joke, cosnan pret cu a yega di pasa entre boso dos. Tent' cu a bo ta e unico muher na mundo cu lo haci e esfuerso pa haci e cosnan chikito pero cu ta nifica hopi p'e...despues brase duro y bis'e cu bo ta stim'e.

Kico ta mas saludable: manteca of margarina?



No tur vet ta igual. Scoge e tipo di vet cu nos ta come ta afecta nos peso y nos salud, especialmente salud cardiaco. Docternan di Clinica Mayo a contesta e pregunta frecuente y a splica cu "margarina generalmente ta mihor pa salud di curazon cu manteca".

-Di con? Pasobra margarina ta traha cu azeta di vegetal, cu ta contene 'bon' vetnan insatura: vet poliinsatura y monoinsatura. E tipo di vetnan aki ta yuda reduci lipoproteina di poco densidad (LDL) of colesterol "malo" cu ta substitui pa vetnan satura.

Manteca ta traha di vet animal y ta contene mas vet satura.

-Con pa scoge vetnan "bon"

Sin embargo, no tur margarina ta wordo traha di e mesun manera, ya cu algun ta contene vetnan trans. En general, mas solido e margarina, mas vet trans esaki ta contene. Por lo tanto, ora bo ta cumpra, bo mester tene na cuenta cu un bara di margarina generalmente tin mas vet trans cu margarinanan mas suave.

Vetnan trans y vet satura ta tiponan di acido vet malo. E vetnan trans ta forma despues di bira den azeta likido den vet solido. Nan ta barata y tin un duracion largo. Mayoria di cuminda procesa y productonan comercial horna tin vetnan trans.

Tanto vet trans como vetnan satura ta aumenta nivelnan di colesterol den sanger y riesgo di sufri di malesanan cardiaco. Ademas, e vetnan trans ta reduci nivelnan di colesterol LDL of "bon colesterol". Pesey, bo mester evita baranan di margarina y opta pa margarinanan mas moli of likido.

-Ki tipo bo por uza pa cushina?

Ora di cushina, bara di margarina of manteca no ta e mihor opcionnan. Maneca tin un contenido halto di vet satura. Di otro banda, algun margarina tin algo di vetnan satura y vetnan trans, cu ta recomenda 0 gr. di consumo pa dia. Y e vetnan aki tin nan riesgo.

Si ta posible, cushina azeta di vegetal likido of margarina traha cu otro azeta.



RESULTADO DI SORTEONAN PA CORTESIA DI CADENA ALEXANDER

Dialuna 3 juni 2019

DIARIO	KORSOU	SUPER 4	CATACHI	ZODIAC
8220 8228 1479	6845 3212 2989	3043 FLAMINGO 8781-5826-1211	MERDIA 6326 3010 3910	ANOCHI M 6406 8992 7340
LOTTO DI DIA 02-15-24-26-30		OFF 6210-5841	BIG 4 M 9492	A 2803
				4973 TAURO 8324 LEO

Ya caba preparando campaña pa e temporada di yobida

GKMB lo ta presente durante e 'Aruba Health Fair' pa duna informacion ariba combatimento di sangura



ORANJESTAD (AAN): Luis Chong, Hefe di Gele Koorts Musketen Bestrijding (GKMB) a duna di conoce cu nan tambe lo ta participando den e prome 'Aruba Health Fair' cu un stand pa asina por duna informacion na comunidad ariba combatimento di sangura y pa evita e malesanan manera dengue, zika y chikungunya. Chong a splica cu nan ta bay tin hopi foyeto cu informacion y personal presenta pa duna informacion. GKMB ta preparando un campaña pa e temporada di yobida y esaki ta un bon momento pa pasa cerca nan na e feria pa busca informacion pa asina ta proteha durante e

temporada aki, a indica. Aworaki segun Luis Chong, GKMB ya caba ta pasando diferente cas den barionan unda por surgi problema cu criadero di sangura. A remarca cu mester duna informacion atrobe y ripiti e proceduranan pa asina por tene e curanan limpi. "Como departamento so, nunca por gana e bataya contra e sangura aki. Nos mester ayudo di full e comunidad pa yuda nos den esaki", a expresa. E parti mas grandi ta duna informacion y ora awa cumenza yobe tin otro proceduranan pa haci pero aworaki ta mas tanto duna informacion na comunidad, a enfatiza.

PRIJS: 1,75 Florin ehemplar
ABONO: 38 Florin pa luna

EDITOR
Agencia Arubano di Noticia

FUNDADOR
† Jossy M. Mansur

DIRECTORAN
Jossy E. Mansur
Eduardo Mansur
Luis M. Mansur
Damilce Mansur

HEFE DI REDACCION
Jossy E. Mansur

REDACTOR Coordinativo
Aureen Werleman
Marianellys Berry (asst.)

REDACTOR Ehecutivo
Nilton Laclé
Yorleny Oduber-Quesada
Tania Cunha

REDACTOR
Mercedes Abdul-Hamid
Django Simoons
Giovanni Lane

REPORTERO
Hubert Tiel

AVISOS Y ARTE
Franklin Peña (hefe)
Susy Maduro (Project Manager)
Miguel Garcia
Glenn Gonzaga
Robert Simoons

ADMINISTRACION
Miriam Alders (hefe)
Freddy Barreto (hefe di personal)
Irene Croes
Susette Croes
Astrid Petrochi
Jeandella Croes

RECEPCIONISTA
Vivian Maduro

LAYOUT
Alex Croes
Silvestre Quimper
Ricardo Jimenez

IMPRESION
Carlos Montañez (hefe)
William Quiceno
Raul Valencia

ADRES
DIARIO N.V.
Engelandstraat 29, Aruba.
P.O. Box 577, P.O. Box 695
Telefon: +(297) 582-6747

ALMANAC

Bahada y salida di solo na Aruba
— 4 Juni 2019
Solo ta baha: 7:03 p.m.
— 5 Juni 2019
Solo ta sali: 6:14 a.m.

Lista di Crusero di bishita na Aruba
—Diamars 4 Juni 2019:
Freedom of the Seas:
(07:30 - 21:00)
—Diarazon 5 Juni 2019:
Monarch:
(06:30 - 15:30)
—Diahuebs 6 Juni 2019:
Carnival Horizon:
(07:00 - 16:00)

Tel: 583-1190

EMERGENCIA NA ARUBA
Diamars 4 Juni 2019

DOCTER NA WARD
SAN NICOLAS:
Dr. Boderie
Servicio nocturno di Docter ta conta di 7'or di anochi te 7'or di mainta.

ORANJESTAD:
Pa Oranjestad, Docter lo ta na Huisartsenpost na Hospital. Docter tey di 6:30 pm te cu 10:30 pm.

BOTICA NA WARD
PARIBA DI BRUG:
Botica Aloë NV
Pos Chikito 83
Telefon 584-4606

PABAO DI BRUG:
Botica Eagle
Caya Punta Brabo 17
Telefon 587-9011

e-CONTACT DIARIO

E-mail Redaccion:
noticia@diario.aw

E-mail Avisos:
aviso@diario.aw

E-mail Deporte:
deporte@diario.aw

E-mail Asunto Funeral:
morto@diario.aw

DIARIO

Loke Tempo ta Mostra....

•• Pa awe no ta anticipa mucho cambio den condicion actual di tempo. Sinembargo por spera aumento temporal di nubia cu chens pa awacero duracion cortico den oranan di mainta.

•• Biento ta di pariba entre 12 y 30 km/h. Tin biaha rafaga entre 31 y 39 km/h. Lama ta tranquil cu olanan di 3 pia of menos.

INFORMACION PA PUBLICACION

REMITIDO
E exigencianan di DIARIO pa publicacion di cualquier remitido ta cu esaki mester bin den forma electronico (sea via FB Messenger, E-mail, USB Drive, CD-ROM, DVD-ROM), incluyendo number, adres, telefon, y firma di e remitente. Mester presenta cu un cedula of ID valido pa verifica e number y adres. DIARIO lo saca fotocopia di bo cedula of rijbewijs. Bo mester enfatiza di antemano, si acaso bo no kier pa bo number worde menciona como remitente!
(Atencion: Ora cu bo no kier pone bo number bao di un remitido, anto automaticamente den e texto bo NO POR menciona number di hende of entidad).
Remitidonan manda via E-Mail mester tin number completo di e remitente, tambe su adres, telefon y firma pa asina e worde verifica prome cu publicacion.
Textonan por ser edita segun espacio, y gramatica tambe lo ser drecha. **No tin garantia** cu e Remitido lo sali mesora den e proximo edicion! Tuma bon nota cu e Remitidonan lo ser publica segun espacio disponible den e edicion.

Contents ©2019 Matutino DIARIO
COPYRIGHT: Nada den DIARIO mag di worde copia sin permiso di Agencia Arubano di Noticia. Potretan di The Associated Press no por worde re-publica na TV of otro medio sin previo autorizacion di AP.

Gobierno mester traha un escenario nobo di emergencia

Paso penal contra Citgo por habri porta pa su benta

**Companianan cu Citgo como borg por actua pa nan placa*

**Citgo mester a informa Aruba cu a dagvaard compania*

ORANJESTAD (AAN) -- Informacionnan cu DIARIO a ricibi ayera tardi no ta nada faborabel pa Citgo y segun informantenan un escenario nobo di emergencia mester mira luz. Ta for di 22 di mei Husticia Mericano a dagvaard Citgo, cu mester a informa Aruba kico a pasa y atende e situacion nobo cu gobierno di Aruba.

Segun prome informacionnan cu DIARIO por a ricibi, e hecho cu Husticia a dagvaard Citgo lo tin resultado hopi serio y lo afecta entre otro e casonan civil den Corte.

Manera ta conoci na april, Guaidó a presenta den Corte na Merca pa pidi pa no honra peticion di Crystallex cu tin Citgo como borg pa Venezuela paga e debe 1.4 Biyon. El a mostra cu na Juni e lo por a resolve e situacion na Venezuela.

E desaroyonan nobo ta haci cu pa Crystallex awor tin un motibo urgente pa e bende parti di Citgo pa e haya su placa, loke tambe lo por wordo aplica pa otro companianan.

Na mes momento e por habri porta pa tanto Rusia como e companianan cu tin e famoso debe 2020 den nan man, dicidi cu nan ta haci uzo di nan borg y cuminsa tuma medidanan legal pa alcanza nan proposito.

En todo caso, ta parce sumamente dificil pa Guaidó haya mas financiamiento pa e por paga e interes cu ta caduca na October di 2019 si Citgo ta den problema cu Husticia di Merca, cu tin tur motibo legal na e momento nan aki pa tuma pasonan severo contra Citgo, cu a comete crimen.

Mescos cu e gerencia di Citgo por a negocia cu Aruba, e por a comete actonan di corrupcion tambe na nomber di Citgo y hinca e compania den un caso penal.

Informantenan di DIARIO ta considera sumamente importante pa gobierno tuma contacto cu Citgo y exige un contesta pakico Citgo no a informa gobierno di e hecho cu a dagvaard e compania, cu tin interes na Aruba.

Aruba awor ta den un situacion hopi serio ya cu no solamente su economia y situacion financiero a wordo afecta pero tambe e lo ta parti di tur loke un investigacion penal ta produci mas ainda teniendo cuenta cu e relacionnan estrecho cu Aruba a cera cu grupo Maduro, su representantenan den Citgo y hasta companianan cu pa medio di nan relacion cu Maduro a habri nan porta na Aruba.

DIARIO lo sigui cu su investigacionnan, cu lamentablemente a duna e resultadonan pa cual a adverti Aruba.

Prome Minister Evelyn Wever-Croes ta indica:

Cu reforma fiscal niun momento lo kita hende for di trabou

ORANJESTAD (AAN): Minister Presidente Evelyn Wever-Croes ta indica cu for di oposicion, un biaha mas tin griteria pa bruha tera pa loke ta trata Reforma Fiscal.

Gobierno di Aruba ta lamenta cu oposicion ta malinformando y gañando pueblo un biaha mas implicando cu Reforma Fiscal lo conduci cu lo kita hende for di trabou. Sinembargo, esaki no ta berdad.

Reforma Fiscal lo trece reparticion husto di e peso di Impuesto entre esnan cu schouder mas hanco y esnan cu schouder mas smal. Reforma Fiscal lo trece reparticion husto entre uzaronan cu ta uza mas y esnan cu ta uza menos. Reforma Fiscal lo trece alivio den e formalidad y exigencianan cu cumplimiento di belasting ta encera.

Prome Minister a expresa di ta di comprende e pakico oponentenan ta bira nervioso pa motibo cu e cambionan aki ta loke nan tambe por a haci pero pa falta di curashi politico no a hacie y tampoco nunca nan tawata kier a duna pueblo alivio cu e Reforma Fiscal ta bay

trece. Reforma Fiscal ta e cambio husto.

Tur hende por a mir'e caba ora cu a baha e Loonbelasting. Den prome fase di Reforma Fiscal a baha e tarifa di Loonbelasting y Inkomstenbelasting na unda cu 30 mil hende no ta paga mas Inkomsten y Loonbelasting, mayoria ta pensionado. 25 mil hende cu tin salario mas halto cu Awg.2.300 pa luna a haya reduccion di tarifa di Inkomsten y Loonbelasting. Fin di januari, por a sinti e prome diferencia aki na unda cu e trahadonan por a bay cas cu mas placa den nan cartera.

Grondbelasting a baha. Cu Reforma Fiscal, a bin e siguiente cambionan den Grondbelasting:

BALOR DI PROPIEDAD ENTRE 0-120.000 FLORIN:

Esnan cu tin un propiedad cu un balor entre 0-120.000 florin, no ta paga grondbelasting mas. E tarifa ta 0%. Esaki ta conta pa 10.700 contribuyente: 0% di residentenan priva na Aruba no lo paga Grondbelasting.

BALOR DI PROPIEDAD ENTRE 120.000 – 250.000 FLORIN:

Esnan cu tin un propiedad cu un balor entre 120.000 – 250.000 florin, e tarifa ta baha cu mita, y e tarifa ta bira 0,2%. Esaki ta conta pa 17.779 contribuyente: 60% di residentenan priva na Aruba a conoce rebaho di Grondbelasting.

BALOR DI PROPIEDAD ENTRE 250.000 – 500.000 FLORIN:

Esnan cu tin un propiedad cu un balor entre 250.000 – 500.000 florin, e tarifa ta 0,3%.

Esaki ta conta pa 8.996 contribuyente: 30% di residentenan priva na Aruba NO a conoce cambio di Grondbelasting.

BALOR DI PROPIEDAD ENTRE 500.000 – 750.000 FLORIN:

Esnan cu tin un propiedad cu un balor entre 500.000 – 750.000 florin, e tarifa ta 0,4%.

Esaki ta conta pa 3.098 contribuyente: 10% di persona a conoce aumento di Grondbelasting. E cantidad ta wordo parti den 2:

1859: 6%: A conoce aumento entre 0 – 500 florin

1239: 4%: A conoce aumento di mas cu 500 florin

“Aruba ta pasando den mo-

mentonan financiero hopi dificil y esaki ta danki na e mal maneho y desicionnan pover cu e Gobierno anterior, e Gobierno di Mike Eman a haci pa enriquece esnan rond di nan y pobrece e resto di pueblo. Reforma Fiscal a bin pa draai esaki bek y reparti e peso di impuesto riba tur ciudadano,



caminda cu tur cu ta gana placa, mester paga nan impuesto, di lo contrario lo tin multa halto mara na esaki. Cu Reforma Fiscal, esnan cu ta gana menos placa lo paga menos impuesto”, Prome Minister Evelyn Wever-Croes a duna di conoce.

Vice-Consul Honorario di Corsow di bishita na Departamento di Relacion Exterior



ORANJESTAD (AAN) — Vice-Consul di Costa Rica na Corsow sr. Omar Russel, a bin Aruba cu e meta di bishita e Departamento di Relacion Exterior, unda hunto cu e Consul di Costa Rica na Aruba, sra. Cecilia Arends, a wordo ricibi pa Drs. Eleisah Williams, encarga cu e division di Politica, Economia y Asuntonan Consular.

Durante un encuentro sumamente ameno, cu presentacion di sr. Russel, drs. Eleisah Williams a elabora tocante e proceso di acreditacion y funcion di un consul.

Riba potret por aprecia drs. Eleisah Williams, y e Consul Honorario sra. Cecilia Arends y e Vice-Consul Honorario sr. Omar Russel.

Minister Otmar Oduber:

E cambionan den ley ta crea mas transparencia, credibilidad y confianza den e proceso di destaho di Gobierno



ORANJESTAD (AAN): Durante e conferencia di prensa di tur Dialuna, Minister di Infraestructura, Medio Ambiente y Desaroyo Teritorial Otmar Oduber a papia riba e cambionan cu a tuma lugar den e ley di destaho.

Siman pasa a trata e ley aki y el a pasa unanimamente den Parlamento.

“Ta un ley cu ta atende cu e forma con destahonan ta tuma lugar mediante e ley di contabilidad”.

Esaki segun Oduber, kende a indica cu e ley nobo aki ta hopi importante, mirando sigur con durante ultimo añanan hopi hende a cuestiona e manera den destahonan tabata tuma lugar.

E mandatario a splica cu e ley di contabilidad ta conta pa tur departamento di Gobierno cu tin cu cumpra producto of paga pa cierto servicio.

Tin reglanan pa sumanan bao di 10.000 florin, pa sumanan entre 10.000 y 100.000 y pa sumanan di mas di 100.000 florin.

Pa e ultimo menciona, mester hasi un destaho publico.

“E cambionan principal cu a tuma lugar ta cu e grensnan di e tres categorianan aki a wordo amplia”.

Esaki segun e Minister, kende a splica cu anterior-

mente bo por a desvia di un destaho publico of di un ‘onderhandse aanbesteding’ (10 mil pa 100 mil), via un decreto ministerial (MB).

Anteriormente e mandatarionan pa cualkier motibo tabata por a desvia di hasi un destaho publico por ehempel y via e MB por a otorga e proyecto na tal compania.

E parti mas importante den e cambio di ley actualmente ta pone cu esaki no ta bay asina mas.

E ley nobo ta limita na un serie di motibonan via cual bo por desvia y saca un decreto ministerial.

Si un mandatario kier otorga un proyecto y no hasi esaki via e onderhandse aanbesteding of e destaho publico, e mester tin un di e 7 motibonan cu tin poni awor den e ley nobo, pa por hasi esaki. Banda di esaki ta asina, cu ora cu un minister desvia mes y saca e decreto ministerial, esaki mester wordo publica den e landscourant, pa asina e argumentonan cu e minister a uza pa desvia bira conoci publicamente. motibonan bira conoci publico.

“Esaki ta crea mas transparencia, seguridad, credibilidad y confianza den e forma con Gobierno ta atende cu su destahonan”, segun e mandatario.

BUSCA PALABRA

SOLUCION

O J A F F Q T E Y M T W N G Y Q N S P L
U I I N R H F P V P F Y E Y D Y O V V Y
P D R Q Q E H B F E E W T H N P I P L L
F B T A C S I S I L A N A T P A C I Q I
Z N I T T S P R A I Y F M X O S A P S L
S C I E Q N P D B X Z P E I Q P G S J P
W V T T B T E Q D F N A N U J Q I D H O
O V D L N E W M H D I C T Q E X T A S N
N V I O Q R P C A D R E E U A B S D Y V
H A G Q I M A I R L Y B M U L D E I V J
A Q N P E C L A G I R Q B D J X V L I G
I I P A I D U Z R W M A T H T Z N A N Q
W I N L H G S P P S L E P P Z N I E J Z
P S P B A C O N F E R E N C I A Q R B K
V M Y V M M U Y U L C T U N P N D Q B H
I N L W P J P M V L Y U V Y A B R Q D U
W A F N P U O I W F A X Q R Q N H W D A
S C R D D V V Z N Y V I W V P X P M F N
X U E G U T L F V G K B N Z F B M K K N
N A N D A D I L I B I S O P N H Q B F K

ANALISIS
EFFECTIVO
MUCHANAN
POSIBILIDADNAN

CONFERENCIA
IMPLICA
NETAMENTE
REALIDAD

CRIMENNAN
INVESTIGACION
PARLAMENTARIO
SALVAGUARDIA

Sudoku

Conceptis Sudoku

By Dave Green

	7			3	2		9	
1			7			6		5
					1		2	
	4					5		8
9								1
2		3					7	
	6		8					
5		8			9			3
	2		4	6			1	

Difficulty Level ★★

6/04

Resultado edicion anterior

9	3	8	2	7	4	6	1	5
1	2	7	3	5	6	8	9	4
4	5	6	1	8	9	7	2	3
3	8	4	7	1	5	9	6	2
2	9	1	6	4	3	5	8	7
6	7	5	8	9	2	4	3	1
7	6	3	4	2	8	1	5	9
8	4	9	5	3	1	2	7	6
5	1	2	9	6	7	3	4	8

Difficulty Level ★

6/03

Deporte Local

Campeonato 2019 di Shinkyokushin Karate Aruba tabata exitoso



ORANJESTAD (AAN) - Dia 1 di juni a tuma lugar e Shinkyokushin Karate All Aruba Youth Championship. E torneo hubenil di full contact karate cu tawata uno exitoso, despues di varios aña a logra hasi esaki posibel atrobe. E atleta nan di Shinjiru Dojo, Toukon Dojo y Savaneta Dojo a bataya contra di otro te na fin mustando curason y espirito di bringador. Mucha homber nan manera Kai Ruiz, Yecko Sanchez, Rydion Boyé, Jeyden Kelly y Reginald Williams a demostra nivel halto, y den e damas nan Sofia Marchena, Elizabeth Vrolijk, Jerzy-Anne Kock y Melainy Delle a muestra con bright e futuro ta pa damas den e deporte. Organisador di Shinkyokushin Karate Aruba Allen Boye ta gradicir tur esnan cu a hasi e evento aki un exito.

Resultado nan ta como lo siguiente:

Young Children Girls

1. Sofia Marchena
2. Fabulous Brown

Elementary 3 Girls

1. Melainy Delle
2. Teyana Brown
3. Kendall van Romondt

Elementary 6 Girls

1. Elizabeth Vrolijk
2. Jerzy-Anne Kock
3. Alessia van Romondt

Young Children Boys

1. Kai Ruiz
2. Nate Williams

Elementary 1 Boys

1. Matias Marchena
2. Liam Willer

Elementary 2 Boys

1. Logan Gonzalez
2. Zack Pinzon
3. Zhyon Pinzon

Elementary 4 Boys

1. Yecko Sanchez
2. Rydion Boyé
3. Aiden Tromp

Elementary 5 Boys

1. Christian Farro
2. Spane Brown
3. Romeanthony Brown

Junior High Boys

1. Jeyden Kelly
2. Reginald Williams
3. Jurvin Besselink

Aki dos siman lo celebra un dia deportivo durante Olympic Day/Run 2019



ORANJESTAD (AAN): Diasabra dia 15 di Juni Aruba lo celebra Olympic Day 2019. Instituto Biba Saludabel y Activo (IBISA), Comité Olimpico Arubano (COA) y Aruba Bank a uni pa organiza un dia olimpico "Olympic Day" cu diferente evento deportivo riba e parkeerplaats di Aruba Bank na Camacuri. E mainta aki lo ta uno deportivo!

Tin luga ainda pa muchanan di 6 aña te cu 15 aña participa na e Olympic Run pa cana of core 1, 2 of 3 KM. Por registra via www.deporteescolararuba.com. Lo tin T-shirts gratis pa tur mucha cu participa.

Nan ta invita comunidad pa apoya e muchanan cu ta bay core 1, 2 of 3 KM. Dia 15 di Juni desde 6:00 am te cu 12'or di merdia na Aruba Bank Camacuri.



Deporte Local

Oriana Wouters a pasa su examen di grado di Kendo na Cali Colombia



ORANJESTAD (AAN) -Un delegacion Arubano di kendo a haci un bon papel durante e di siete edicion di e Campeonato Latinoamericano di Kendo (spada Hapones). E evento aki a tuma lugar na Cali, Colombia, di 23 te 26 di mei.

Aruba tabata representa den categoria Juniors (13-16 aña) cual tabata un mix di mucha homber y mucha muhe. Danbi Velásquez y Vincent van Lindert (ambos di 14 aña di edad) a lucha den e categoria aki. Mayoria di e atletanan den e grupo aki tabata Brasileñonan di descendencia Hapones. Nan tradicion den Kendo ta remonta te na 1908, ora e prome imigrantenan Hapones a establece nan mes na Brasil. Arte marcialnan manera Kendo (e 'caminda di e spada') a mantene nan vincula cu nan reisnan Hapones. No ta por

nada cu e Brasileñonan ta domina Kendo Latinoamericano for di dia bieu.

Di bes en cuando, sin embargo, tin un of otro kendoka di otro pais cu ta logra kibra e hegemonia Brasileño. E aña aki no tabata e ocasion manera dos aña pasa, ora Danbi Velásquez a gana oro den e categoria Junior Femenino. Danbi a hay'e den un grupo cu tres mucha homber: un Ecuatoriano y dos hoben Brasileño. El a logra gana su prome partido contra e Ecuatoriano, pero e mester a baha cabes pa e dos Brasileñonan. Vincent van Lindert, kende a participa pa prome biaha riba e nivel internacional aki, a bringa duro pero contra su oponentenan cu mas experiencia e tambe mester a reconoce e superioridad Brasileño.

Den categoria Ekipo Femenino, Aruba a manda un team di 4 dama, pues in-

completo ya cu un team ta consisti tipicamente di 5 atleta. Sin embargo, e cuatro damanan Arubano (Saskia Kole-De Wolf, Oriana Wouters, Angela Lie-A-Lien y Eun Jung Kim) a logra sali di nan poule preliminar, a pesar di derotanan contra Argentina y Brasil, pero ganando e damanan Colombiano convincentemente. Den e ronda eliminatorio despues, lamentablemente Aruba no por a supera e obstaculo cu yama Ecuador.

Den e categoria Damas Individual tabatin mas exito pa Aruba. Aunke Saskia y Oriana no a logra pasa na e fase eliminatorio, Angela Lie-A-Lien y Eun Jung Kim si a logra esaki. Angela a yega ta na cuarto final, mientras Eun Jung hasta a yega na e final. Ora e tempo regular a pasa sin ganador, mester a extende e pelea te 'sudden death'. Lamentablemente, e

punto a cay pa su oponente Brasileño, cual tabata nifica un di dos lugar den e clasificacion final di Damas Individual.

E ultimo categoria cu un representante Arubano tabata esun di Masters. Den pasado Sergio Velásquez a gana e titulo aki dos biaha caba. Den e extension di semifinal Sergio mester a concede un punto di su oponente colombo-venezolano

Ariel Pintos, kende despues tambe a gana e final contra Eddy Devisse di Trinidad y Tobago. Sergio a keda cu e premio pa di tres lugar e aña aki.

Ademas di e competencianan tambe por a probecha di e oportunidad di haci examen di grado. Oriana Wouters tabata Aruba su unico candidato pa examen y a culmina esaki exitosamente cu e grado di 2-dan.

Anneline Jacobs ta bon prepara pa e campeonato mundial na Russia



ORANJESTAD (AAN) - Awe a sali pa Hulanda Anneline Jacobs acompaña pa su coach Rolin Croes. Nan lo keda 1 siman na Hulanda pa regla nan visa pa Russia, pa despues sigui viaha via Moscu na nan destino final Yakutsk (ciudad den Rusia).

Anneline a clasifica aña pasa door di termina na segundo lugar den e campeonato panamericano di damas.

Esaki ta e promer biaha den historia, cu Aruba como representante di Las Americas ta representa den un campeonato mundial di dam pa damas.

E Campeonato mundial ta tuma lugar desde 11 pa 23 di Juni na Yakutsk, Rusia. Anneline ta un di e 16

hungadornan cu a wordo escogí a base di logronan durante aña 2018.

Anneline a participa den e torneo ABC entre Aruba, Bonaire y Curacao recientemente como parti di su preparación pa e mundial. E la ricibi tambe varios les via Skype di entrenador internacional GM Sklyarov.

Overall por bisa, cu Anneline ta bai bon prepara pa e mundial femenino na Russia.

Club di Dam Arowak kier a gradici Comision di Subsidio cu a juda den e gastonan pa Anneline por biaha pa Russia pa representa Aruba y America den e campeonato mundial di dam.

Nos ta desea Anneline hopi exito aya na Russia.

DEPORTE INTERNATIONAL

Warriors a empata e serie contra Raptors



TORONTO: Toronto Raptors a perde un bon chens pa bay ariba 2-0 den e final di NBA contra Golden State Warriors, ora cu den di dos quarter na dado momento nan tabata tin un ventaha di 13 punto. Na halftime ainda nan tabata gana pa 4 punto, pero Warriors a cumenza e tercer quarter furioso, anotando 18 punto sin cu Raptors a anota. Na final e defensa di Golden State a hasi un tremendo trabao y nan a gana e wega 109-104, pa empata e serie 1-1. Importante den e triunfo tabata e anotacion di 3 punto di Andre Igoudala den ultimo secondenan di wega. Algo cu tin e fanaticonan di War-

rriors un tiki preocupa ta cu Klay Thompson a bandona e wega faltando 8 minuut, door di un lesion di hamstring. Maximo anotador pa Golden State tabata Thompson cu 25 punto, mientras cu Stephen Curry a contribui cu 23. DeMarcus Cousins su actuacion tabata importante tambe den e triunfo. Su 11 puntonan y 10 asistencianan a bin na momentonan clave pa Warriors. Pa Raptors Kawhi Leonard tabata maximo anotador cu 34 punto y 14 rebounds, mientras cu Kyle Lowry a termina cu 13 punto.

Messi ta prefera Neymar riba Griezmann y Beckenbauer lo gusta wak Klopp un dia como coach di Bayern



BARCELONA: Lionel Messi no ta mucho interesa den un yegada di Antoine Griezmann cerca Barcelona. E delantero Argentino lo prefera pa Neymar bin bek. Esaki segun e corant Frances RMC. Nasser Al-Khelaifi, presidente di Paris Saint Germain sin embargo ta bisa cu salida di Neymar for di PSG no ta bay pasa.

Dos aña pasa Barcelona a laga Neymar bay pa 222 miyon euro. Den otro noticia di futbol, halto ehecutivo di Bayern Munich Franz Beckenbauer lo ta hopi contento si un dia Jurgen Klopp bira coach di e equipo. "Lo ta un bon escogencia, pasobra Jurgen a trece un estilo nobo di futbol", Beckenbauer a bisa recientemente den un entrevista cu prensa.

Polis Brasileiro a presenta na compleho di entrenamiento di seleccion di Brazil, pa papia cu Neymar



BRAZIL: E hungador strea di Brazil Neymar mester presenta na e Servicio di Criminalidad di Informatica di polis di Rio de Janeiro Diabierna, pa duna un declaracion riba e video cu el a publica Diasabra, den cual e ta nenga di a viola un muher paisano di 26 aña na Paris luna pasa. E video, cu mientrastanto a wordo kita pa Instagram, ta contene potretan explicito di e muher en cues-

tion. Esaki ta algo prohibi na Brazil. Un delegacion di polis Dialuna mainta alrededor di 11.45 a presenta cu un citacion na e compleho di entrenamiento Granja Comary pafó di Rio de Janeiro, unda cu Neymar y e resto di seleccion di Brazil ta kedando den preparacion pa Copa America cu ta cumenza riba 14 di Juni.

KNVB ta bay aumenta e compensacionnan pa e seleccion femenino di futbol, pa nan bira igual na e seleccion masculino



HULANDA: E compensacionnan comercial cu e seleccion femenino di futbol di Hulanda ta ricibi, ta bay wordo aumenta door di KNVB. Den e periodo di 2019-2021 e aumento ta bay ta substancial, segun KNVB. E intencion ta pa na 2023 e compensacionnan di e muhernan y di e hombernan bira igual. "Nos ta hopi satisfecho cu e palabracionnan nobo y nos ta wak bek cu bon sentimento na e combersacion-

nan cu KNVB", segun Vivianne Miedema den nomber di e conseho di hungador. "Ta realmente bunita cu na e manera aki hunto nos por tuma un paso grandi na un compensacion igual pa e hendenan homber y hendenan muher cu ta hunga pa e seleccion Hulandes", Miedema a sigui bisa. KNVB a indica tambe cu nan ta spera cu e compensacion di parti di FIFA y UEFA y placa di television aumenta hopi.

Noticianan for di Hulanda

Sindicato:

Prome cu zomer ainda ta bay tin accion di personal di hospital



HULANDA: Personal di hospital manera docternan y enfermeronan segun sindicato FNV Zorg & Welzijn prome cu zomer ainda ta bay drenta den accion pa exige mi-hor condicionnan di trabao y salarionan mas halto.

Segun FNV, e organizacion di hospitalnan 'Nederlandse Vereniging

van Ziekenhuizen' (NVZ) despues di lunanan di negociacion a hasi un oferta final Dialuna cu ta totalmente inaceptable.

Locual a wordo ofreci ta un aumento promedio di salario di 2,5%, pa un CAO di 2 añaa.

Esaki mientras cu FNV a pidi pa un aumento di 3,25%.

Homber a mata su casa, pasobra el a kere cu e muher ta vampiro



DEN HAAG: E homber Ljubisa O. cu ta wordo acusa di a asesina su casa, a bisa cu el a hasi esaki door cu el a kere cu e muher tabata un vampiro.

El a indica cu e muher su wowonan tabata tin 3 color y cu voznan den su cabes a bisa pa e mate.

Door di esaki e homber di 42 aña a coo un cuchio for di cushina y Dia-domingo mainta trempa dia 15 di

April el a hinca su casa, kende tabata drumi.

O. a insisti na corte di Den Haag cu ta 3 biaha so el a hinca su casa di 35 aña Jasmina.

E homber a bisa cu e no sa con por ta cu e muher tabata tin 71 hinca di cuchio na su curpa, incluyendo 28 na su cara.

"Ta un di e bisiñanan mester a hasi esaki", segun e sospechoso.

Gabinete ta bay ofrece te cu 2000 euro pa aña na esnan cu kier mehora nan educacion



HULANDA: Hulandesnan cu como adulto ainda kier mehora nan educacion, dentro di poco por hasi un peticion pa e asina yama 'ontwikkelbudget' (presupuesto di desaroyo) di 1000 te cu 2000 euro pa aña.

Na mes momento gobierno Hulandes ta hasie imposibel pa ainda kita gastonan di estudio for di e inkomstenbelasting.

Cu e sistema nobo di subsidio, e ministernan di Asuntonan Social y Enseñanza ta spera di yuda tur aña 100.000 pa 200.000 hende cu kier sigui desaroya nan mes.

Bo por hasi e peticion por ehempel pa purba haya un diploma di MBO, of un certificado pa como trahador di cierto sector yega na un posicion mas halto.

Gobierno Hulandes ta bay saca 65 miyon euro pa companianan jong



DEN HAAG: Den e 4 añanan cu ta bin e gabinete Hulandes ta bay saca 65 miyon euro extra pa stimula companianan jong.

Cu un cantidad di medida, door di por ehempel duna empresarionan mas espacio pa busca personal for di exterior, secretario di Estado Mona Keizer specialmente kier duna companianan tecnologico un extra empuhe den bon direccion.

Esaki e miembro di CDA a duna di conoce Dialuna.

E kier pa na Hulanda tin un clima fuerte pa 'startups' y 'scale-ups',

cu ta companianan cu ta bay cumenza of cu no tin hopi tempo activo ainda.

"Esaki lo aporta na extra cuponan di trabao y extra entrada pa Hulanda", segun Keizer.

Telefonnandi DIARIO

Tel: 582 6747

Fax: 582 8551

Noticia Internacional

Trump a asegura cu Rusia a retira mayoria di nan personal militar for Venezuela



WASHINGTON: Presidente di Merca, Donald Trump, a asegura dialuna cu Rusia a garantiz'e cu nan a retira "mayoria" di nan personal militar di Venezuela, algun hora despues cu e corporacion estatal Ruso, Rostec a nenga cu nan specialistanan a bandona e pais.

"Rusia a informa nos cu nan a retira mayoria di nan personal for di Venezuela", Trump a bisa den un tweet.

Corant The Wall Street Journal a confirma dia-domingo den un articulo, mencionando un fuente "cercano na Ministerio di Defensa" Ruso, cu Rusia a reduci e contingente di especialista di Rostec di mil persona na "algun decena".

Pero e corporacion Ruso, un di mayor producto mundial di arma, avion, helicóptero y otro equiponan, a bisa cu esaki no ta berdad.

"E cifranan presenta den e articulo di The Wall Street Journal relaciona cu presencia di empleadonan di Rostec na Venezuela a wordo exagera varios biaha. E composicion di representacion no a cambia den añanan", servicio di prensa di e entidad a informa medionan Ruso.

Segun e corant Mericano, e retiro di asesornan Ruso

a acelera durante ultimo lunanan debi na falta di contrato nobo y di likidez di autoridadnan Venezolano pa paga servicionan contempla den contratonan.

"Mirando cu Venezuela no ta pagando, di con Rostec ta keda eynan y paga

cuenta nan so?", e fuente menciona a señala.

Rostec a asegura cu specialistanan tecnico ta sigui yega periodicamente den e pais pa drecha y haci trabaoonan di mantenimiento di equiponan anteriormente suministra.



NEW YORK: Potret di file di El Chapo Guzman. Un abogado di Joaquin 'El Chapo' Guzman a rechaza alegacionnan di fiscalnan di Merca cu e narcotraficante por purba di scapa for di prison di Manhattan na unda e ta wardando su sentencia, y a bisa cu mester permiti pa e por haci ehercicio riba dak di e edificio. Den un presentacion hudicial, abogado Mariel Colon a pidi hues federal di Brooklyn pa permiti cu su cliente haci ehercicio den aire liber dos hora pa siman, y a bisa cu ceramento solitario di Guzman, sin exposicion na luz di solo of aire fresco, ta "anti-natural y inhumano".

China investiga a FedEx pa desvia paketenan di Huawei

BEIJING: China ta investigando FedEx despues cu e compania di entrega a desvia varios pakete envia pa e compania gigante tecnologico di China, Huawei, medionan di comunicacion estatal.

E falta di entrega a yama atencion debi na aumento di tensionnan comercial entre Merca y China y sancionnan di Washington contra Huawei.

China a habri un investigacion riba accionnan di FedEx, cu a "perhudica gravemente derecho y interes legitimo di clientenan y a viola regulacionnan di China", agencia oficial di noticia Xinhua a informa.

Despues di descubri cu cuatro pakete cu tabata contene documentonan envia pa Huawei a wordo desvia na oficinanan central di FedEx na Mem-



phis, Tennessee, na lugar di wordo entrega na oficinanan di Huawei na Asia.

FedEx a pidi disculpa y a bisa cu e paketenan a wordo desvia accidentalmente. El a asegura cu ningun hende a bisa e compania pa desvia e paketenan.

Funcionarionan di Huawei ta duda cu e desviacion tabata realmente involuntario.

"Mi no ta kere cu ta corecto cu ningun compania ta intercepta of detene documento of informacion individual", Song Liuping, director huridico di

Huawei a bisa prensa. "Si nos derechonan berdaderamente a wordo infringi, nos tin derecho legal di defende nos", el a añadi.

China a anuncia nan investigacion riba FedEx riba mesun dia cu a drenta na vigor e ultimo tarifanan contra produccion Mericano na balor di 60.000 milyon di dolar. E impuestonan, di 5% pa 25%, ta den represalia pa decision di presidente Donald Trump di aumenta na 25% tarifanan riba produccion cu nan ta importa desde China pa un balor

di 200.000 milyon di dolar, riba di e 10% anterior.

Merca a acusa China di horta secretonan comercial y di forza transferencianan di tecnologia. Nan a inclui Huawei riba nan "Lista di Entidadnan", cu nan a prohibi efectivamente companianan Mericano di bende tecnologia na Huawei sin aprobacion di gobierno.

China a tuma represalia anunciando cu nan lo establece nan mesun lista di "entidadnan poco confiable" cu ta inclui compania, corporacion y individuoonan extranhero.

Pa bo keda conecta cu

WhatsApp

592-9684

ABO TA NOS WOWO RIBA CAYA PA YUDA INFORMA NOS PUEBLO DEBIDAMENT

- Pa bo potretnan exclusivo
- Pa cubri bo evento
- Pa raporta iregularidadnan riba caya

Noticia Internacional

Canada a suspende operacionnan di nan embahada na Venezuela

Canada a anuncia diadomingo suspension temporal di nan embahada na Venezuela, acusando Nicolas Maduro di nenga di acreditá diplomatonan criticonan di su regimen.

Den mesun momento, Ottawa ta revisando estatuto di representantenan diplomatico di Maduro na Canada.

E Minister di Relacionnan Exterior, Chrystia Freeland, a bisa den un declaracion cu “e regimen (di Maduro) a tuma medidanan pa limita capacidad di embahadanan extranhero pa funciona na Venezuela, particularmente esnan cu ta boga pa restauracion



di democracia”.

Na Januari, Canada, hunto cu Merca y principal potencionan latinoameri-

cano, tabata un di e promenan pa reconoce e lider di oposicion Venezolano, Juan Guaidó, como presi-

dente interino.

Pronto, diplomatonan Canades na Venezuela “ya

no lo ta den condicionnan di haya un acreditacion diplomatico bao di regimen di Maduro, y nan visanan lo caduca”, Freeland a bisa.

“Por lo tanto, no ta keda mas remedi pa suspende temporalmente operacionnan di embahada di Canada na Venezuela inmediatamente”.

-Mas di 50 pais ta reconoce Guaidó na lugar di Maduro.

Freeland tambe a bisa cu Canadá ta “evaluando estatuto di diplomatonan Venezolano nombra pa regimen di Maduro na Canada”.

Crisis na Venezuela: India a stop di cumpra petroleo Venezolano

Venezuela ta conta cu reservanan di petroleo mas grandi di mundo, pero cada biaha mas ta enfrenta mas dificultad pa bend’e.

Y tur cos ta indica cu esaki lo bira mas dificil: dia 24 di Mei pasa, embahador di India na Merca, Harsh Vardhan Shringla, a informa den un reunion cu prensa cu su pais a stop di cumpra crudo Venezolano.

E pais sudamericano a registra desde tres aña un decrecemento sosteni di produccion di petroleo cu a pasa di 2,4 miyon di bari pa dia na December di 2015

pa 830.000 bari pa dia na April pasa.

E cifra ta esun mas abao desde Januari di 2003, despues di un welga inedito di miles di trahador di petrolera estatal Venezolano, Pdvsa, cu tabata contra fayecido idente Hugo Chavez.

Desde cu Merca a dicidi di sanciona gobierno di Maduro na Januari cu suspension di pago di benta di crudo -loke ta ekivale na paralizacion di importacionnan di petroleo-produccion Venezolano a cay den casi 400.000 bari pa dia, segun cifranan di

Agencia di Informacion di Energia di Merca.

E medida di Cas Blanco a nifica un golpi fuerte pa finanzanan di gobierno Venezolano, pa motibo cu Merca tabata den e epoca, principal cumprador di crudo y su fuente mas grandi di divisanan cash.

“Prome cu e sancionnan, entre 40% y 50% di petroleo Venezolano tabata bay Merca y e resto tabata principalmente pa India y pa China, cu ta importa un poco mas di 20% cada un”, Hari Seshasayee, analista di Wilson Center, na BBC Mundo.

E decision di Washington a otorga India un posicion di gran relevancia pa economia Venezolana, a converti e pais den e prome comprador di nan crudo.

Considerando necesidadnan grandi di energia importa cu tin economia di India, inicialmente analistanan a contempla posibilidad cu e gigante Asiatico por absorbe casi 500.000 bari pa dia cu Washington tabata cumpra di Caracas.

E hipotesis, sin embargo, a keda descarta y awo, despues di e anuncio di embahador di India na Washington, loke parece ta riba mesa ta ceramento di mercado di India di crudo Venezolano.

-Detencion di fluho-

Vinculo energetico entre

Venezuela y India a establece na 2005, cu firma di presidente Chavez cu e pais asiatico un acuerdo di cooperacion cu e sector cu a contempla proyectonan di exploracion y explotacion petrolero den e pais sudamericano.

Petroleo Venezolano a cuminsa yega India atravez di dos compania Reliance Industries y Essar, ta e ultimo compania a wordo adkiri pa compania Ruso, Rosneft na 2017 y despues conoci como Nayara Energy.

Secretario di Estado di Merca Mike Pompeo a reuni cu Secretario di Relacionnan Exterior di India, Vijay Gokhale, pa solicita cu su pais no ta e “salvabida economico di e regimen di Maduro”.



Noticia Internacional

Reina Elizabeth II a ricibi Donald Trump den Palacio di Buckingham

LONDON: Presidente di Merca, Donald Trump, a inicia riba dialuna, cu un ceremonia di honor di parti di Reina Elizabeth II, un bishita di Estado di tres dia na Reino Unido, despues cu el a insulta alcalde di London y su comentarionan riba Brexit.

Algun minut prome cu aterizahe di su avion, e mandatario a manda un di su tweetnan contra alcalde di London, Sadiq Khan, cu el a acusa di ta "horiblemente mahos cu presidente di Merca, cu e aliado mas importante di Reino Uni".

Khan, prome alcalde musulman di e capital,

a compara diadomingo palabranan di Trump cu "fascistanan di siglo XX" y a critica cu Reino Uni a "desplega tapijt cora".

"Ta un hende fracasa cu mester enfoca riba crimen na London, no riba mi", Trump a afirma. Un insulto "infantil" y "impropio di presidente di Merca", segun un vocero di e alcalde.

Mientras e banda di guardia real tabata toca himnonan Mericano y Britanico den hardin y Trump tabata revisa guardia real, por a wak otro miembro nan di e famia, entre nan su yiu Ivanka, riba balcon di e palacio hunto cu Prins



Philip, casa di e Reina, kende den horanan di anochi a ofrece un bankete oficial na honor di e presidente.

Esaki ta prome bishita di Estado di Trump na Reino Uni, despues di un intento fracasa na Juli pasa cu a bira simplemente un

bishita di trabao debi na protestanan masal cu a conta cu participacion di miles di persona, pa denuncia e mandatario como "misogino, homofobo, xenofobo".

Trump lo participa riba diaranzon den un conmemoracion grandi orga-

niza na Portsmouth, situa den costa zuid di Inglaterra, pa conmemora 75 aniversario di desembarco di Normandia, cu paisnan cu a lucha den operativo militar historico na 1944 a wordo invita, incluyendo Alemania.

Rusia: Tinder mester entrega datonan di usarionan na agencianan di inteliencia



MOSCU: Rusia a obliga Tinder pa entrega dato y mensahenan di nan usuari onan na agencianan Ruso di inteliencia, como parti di restriccio nnan oficial di uso di internet.

Agencia Ruso di Supervision di Comunicacion, departamento cu ta regula comunicacion na Rusia, a bisa cu Tinder tabata inclui riba un lista di servic ionan online cu nan ta exige entrega datonan di nan usuari onan despues cu agencia di seguridad FSB y otro autoridadnan Ruso pidi esaki.

Tinder, aplicacion pa busca pareha, mester coopera cu autoridadnan Ruso sino nan por wordo blokea completamente den e pais. E norma ta in-

clui tur dato di usarionan cu ta usa servernan Ruso, incluyendo mensahenan di otro personanan den e aplicacion.

Tinder no a duna comentario relaciona cu e medida aki.

Rusia a aproba varios ley den ultimo añanan pa reforza nan control riba actividad den internet. Entre otro, e companianan mester warda seis luna di data di nan usuari onan y tin'e cla pa entrega nan na autoridad.

Autoridadnan Ruso a emiti un ordo aña pasa pa prohibi Telegram, aplicacion di mensahenan, despues cu e plataforma a nenga di proporciona datonan di usuari onan manera ley ta rekeri.

Pompeo: Aumento di narcotrafico na Colombia "ta un problema hereda"

CUCUTA: Secretario di Estado di Merca, Mike Pompeo, a bisa presidente Colombiano, Ivan Duque, cu aumento di produccion di cocaina na Colombia ta un problema hereda pa su Gobierno.

Pompeo, kende a haci un bishita breve na Cucuta, ciudad di frontera cu Venezuela, pa wak di cerca e crisis di e pais petrolero, a referi na alianza di Merca cu Colombia den lucha contra narcotrafico, cu resultadonan a wordo critica recientemente pa presi-

dente Donald Trump.

"Merca lo sigui traha cu boso pa caba cu e problema di produccion di coca cu bo a hereda", Pompeo a señala na Duque, apenas cuatro dia despues cu Trump a bolbe cuestiona resultadonan di Gobierno Colombiano den guerra contra droga.

Dia 29 di Maart pasa, Trump a acusa Duque di no haci "nada" pa su pais den materia di lucha contra droga, apreciacion cu el a reitera dia 10 di April, ora el a bisa cu "desafortuna-

damente, negoshi di droga a crece un 50 % desde cu presidente Colombiano a asumi e cargo".

"Nos sa kico nos mester haci y Merca lo haci su banda pa reduci demanda di droga ilegal den nos mesun pais", Secretario di Estado a indica. Pompeo tambe a gradici Duque pa su compromiso cu Venezuela" como tambe "su cooperacion riba temanan regional manera lucha contra droga y seguridad en continente americano".



Pa chica Pos - Habri tubería y wc. Servicio líne y confiabel.

Experiencia ta manda

CICLONE

Septic Tank Service

Tel: 564-0607 / 734-0607

Torres

Chica pos Septic tank
Servicio pa Cas, Company, Hotel etc.

Tel: 588-7805 Cell: 593-9534

TA HUUR

Apartment na
Schotlandstraat,
pa dia, pa siman y pa
luna Cel: 594 4945

EASY FLUSH
SEPTIC TANK

Chica pos, Habri tubería
Servicio 24/7

Glenroy Tromp Tel: 593-0235
Marline Tromp Tel: 563-5497
Celsiustraaf # 38, Oranjestad

TAROT

Trabajos esotericos,
limpiezas, amarres,
destrancamientos, todo
tipo de solucion. Sra.
Magdalena, Tel: 742-1583

CONSTRUCTION

Remodelacion di cas, traha
cas, apartment, traha y drecha
dak, verf, pega mosaico, traha
cura y plomeria na bon prijs.
Trabao di graniplas y Sheetrock
Cel 560 9470 / 741 3883

**SE ALQUILA/
FOR RENT**

Apt studio chalet full muebla 900
+ dep. Awa + coriente aparte.
Tanki Leendert. Community
pool, wifi, Serlimar, cable tv
inclui. Tel: 594-6701 / 567-2418

VERF Y DAK

Pa tur trabao di verf
edeficio, cas, spuit dak
y drecha dak cu ta lek.
Yama awe mes na
566-7736

**Christina God Gifted
Spiritualist**

I specialize in love marriage romance
I reunite you with the one that you
love I remove all evil negative energy
I do what others fail to I bring
happiness joy peace within yourself
and your home If you feel empty loss
I will help immediate results.
1-561-557-9540

PA AVISO aviso@diario.aw

**BO MESTER DI WASTE BUCKET RESIDENCIAL
OF COMERCIAL?**

ecotech

Mr. Bucket

594-3757
mrbucket@ecotech.aw

20 yrd Big Bucket
15 yrd Junior Bucket
10 yrd Small Bucket

D'La Rosa

CHICA POS

Pa servicio di
habri tubería,
area di hotel tambe.

562-2059 Pos Chiquito 25-G
585-8534 Aruba

Glassco

- Glass & mirrors cut to size and shape
- Polishing, drilling & glass replacement services
- Fast service

Tel. 583-4784
Caya Betico Croes 162 B

**CONSTRUCTION
Y CHAPI**

Nos ta corta tur sorto di mata cu design
y tira sushi afo. Nos ta drecha dak, verf
cas of negoshi. Lanta cura of cas.
Tur sorto di carpintería, tubería,
electricidad, basha vloer y pega tile
(mosaico). Trabao ta wordo garantisa.
Cel: 594-2380 / 594-8023

TA HUUR

Apartment na
Santa Cruz.
Cel: 593-9101

TA HUUR

Un cas grandi na Playa.
Tin veranda, sala, 3 camber,
comedor, cushina, un baño y cura.
Exclui utilidadnan. Cla pa huur.
Pa un prijs pa luna di
Afl.2.000,- + un luna di borg.
Interesa yama: 594-8842.

EXPRO REALTY

Ta bende un cas na
Watapanagezaag 4 (SN) cu un
apartment. Cas tin 3 camber, 2
baño y garage. Tereno propiedad
804 m2 cas mester di un fix up:
Prijs Afl.200.000
Tel: 740-4649 / 730-0055

EXPRO REALTY

Ta bende un cas na
Flaciusstraat 19 riba tereno
propiedad Cas tin 3 camber,
cu un apartment Prijs
Afl.295.000
Tel: 740-4649 / 730-0055

TA FURA

Matras, muebles 25%. Hopi
descuento riba mercancia den
tienda 40-50% y 80% liquidacion
Orange Matrasen Fabrik,
Solo 5, Tarabana.
Tel: 588-7468 / 593-4387

BOBCAT SANTO

Rent Bobcat, tin graniet blauw
y normal, demolicion, yena
baki, fundeshi, rosa tereno,
bende santo y piedra.
Mesora!
Cel: 592-3424 / 592-1156.

TA BENDE

12 Bentana di palu
di cedar, 58cm
hanchu x 63cm
halto gevef blanco
cla pa pega,
pa Afl.150,- pa un.
Bo por yama
593-1011 /
584-5963

TA FURA

Elma Matras & Fabrik
matras, box,
busca mainta y haye
atardi! Set di sala, tv chair,
comedor. Tel: 592-3344,
Rondweg 125

REAL ESTATE

Huur bo cas of
apartment den tempo
record. Yama nos
awo 593-8082

**Cas pa huur
Boroncana**

Cas amplio di 2 camber
y 1 baño. Ta inclui 2 studio
apartment (mag di huur)
Mantencion di cura 1 x luna
(Fantastic Garden) Afl.2750,- /
luna. Yama 733-1201 / 567-8612

**Cas pa huur
Seroe Blanco**

Cas cu 2 camber cu airco y
1 baño. Cura cera y halto.
Afl.2200,- / luna.
Yama 733-1201 / 567-8612

**Cas pa huur
na Babijn**

Cas amplio di dos piso cu 4
camber cu airco. Tin 2 baño cu cura
grandi y cera. Un bista spectacular.
Ta inclui sistema di alarma, stoof y
frigidaire. Afl.2700,- / luna.
Yama 733-1201 / 567-8612

TA BENDE

Un Toyota Hilux Pickup
single cab, año 1996
diesel, prijs Awg.3500,-
Cell: 565-7876

TA HUUR

un study camber pa un
persona. Tur cos inclui, awa,
coriente, cable, airco, muebel.
Afl.700,- sin deposito. Y pa
pareha Afl.750,- Maquarima
105, Santa Cruz. Tel: 746-9482

Señora se ofrece

pa haci cas limpi, cuida
muchu chikito,
cuida hende grandi y
tur trabao di cas.
Cell: 563-6876

MONTAS EXCAVATION

Nos ta bende santo
di pleister, pega blokki,
piedra y granito.
Bon prijs.
Tin servicio di bobcat.
Tel: 567-5282 / 565-8639

BOBCAT & BACKHOE

Rosa tereno,
coba fundeshi, pos,
jena fundeshi
Ta bende Santo y Piedra
Jama 593 5050

ASSOCIATED REALTORS
TA BENDE

Un cas na Caya Solo/Tarabana Residence
den bon condicion di 3 camber y 2 baño,
tereno propiedad den un cul-de-sac
y pa Afl.370.000,00. Yama Mito na
593-6318.

ASSOCIATED REALTORS
TA HUUR

Un cas espacioso di dos piso na
Paradera di 4 camber y 2 baño,
no mueblá, exclui utilidadnan y
pa Afl.2.750,00 pa luna mas un
luna di borg. Jama Mito na 593-6318

ASSOCIATED REALTORS
TA BENDE

Un tereno na Paradera di 1026 m2
y pa Afl.112.860,00. Jama Mito na
593-6318 pa mas informacion.

ASSOCIATED REALTORS
TA BENDE

Un cas fixer upper na Caya Betico Croes
riba tereno propiedad di 508 m2, cu
potencial pa negoshi y pa Afl.279.000,00.
Yama Mito na 593-6318.

**Pa Taxaties di
cas y propiedad**

Tuma contacto cu
Crystal Realty
Tel: 568-8265

TA BENDE

Cas na Primavera,
3 camber, 2 baño, mas 2
studio apartment, garage
pa 4 auto y pa 400.000,-
Yama Gabi na 592-4431

TUR TRABAO

Mi ta haci trabao di construccion
(pega bloki, pega tegel,
remodelacion di apartment y trabao
di drywall). Trabao di plomeria,
trabao di verf (chikito of grandi).
Corta mata chikito of grandi. Trabao
di welding (hero preto y galvanizado).
Cel: 567-4990 KvK: 47990.0

FOR SALE

Gree 12.000 BTU 220 volts
window air conditioner,
2 year old, good condition.
Price: Awg.350,00
Sabana Blanco 141-B,
after 5:30 hour p.m.

Apartment pa Huur

na Montaña 8 (Noord),
2 camber, 1 baño, 1000,-
pa luna y 1 luna
deposito. Tel: 746-0686,
elect. y awa ta apart.

RUIZ EXCAVATION

Ta anuncia su nomber nobo:
F. Ruiz Sand Gravel &
Equipment N.V.

Nos tin santo pa bloki, pa pleister,
graniet, piedra pa basha y decorashon
na e mihor prijs.
Pa mas info jama
588 9995 / 593 9995

ATCO
ARUBA N.V.

- Land Cleaning
- Container Hauling
- Demolition
- Excavation
- Heavy Transport and Lifting
- Material Transport in Bulk Sizes

TEL: (297) 523 6600
FAX: (297) 582 7108
infoatcoaruba@atco.aw

Find us on Facebook

TA HUUR

Apartment studio muebla,
Afl.800,- pa luna +
deposit. Cable, wifi free.
Awa, coriente, gas apart.
Info: 562-0310

VIDENTE

Lectura del tarot.
Descubre el enigma.
Especializacion en
el ocuhismo. Se hace todo
tipo de trabajos espiritual.
Tel: 745-0461

TA HUUR

apt. studio muebla
sin servicio, Afl.750,-
Washington 183,
Tel: 566-1281

TA HUUR

dos apartment na
Hooiberg, muebla y airco.
Awa y coriente no ta inclui.
Pa info yama 562-0616 /
565-6009 / 585-2156

TA HUUR

Un apt pa un hombre so.
Muebla, servicio ta apart.
Huur pa luna Afl.650,-
+ borg Afl.400,-
Pita Str. na Hato.
Tel: 582-6712 / 731-9367

DIARIO

- Pa noticia, cumpleaños, comentario, redaccion: noticia@diario.aw
- Pa mundo deportivo: deporte@diario.aw
- Pa farandula: espectaculo@diario.aw

Tel: 582-6747



DEN AMBIENTE

Prome Fiesta Bailable den Balashi Beergarden Arena cu celebracion "8 Years DLicious" tabata un EXITO..
Espectacular escenario di Elite Productions..

Ephrem J cantante yiu di Corsow internacional cu elogio grandi pa DLicious..

** Den un plabra TREMENDO e prome fiesta bailable den Balashi Beergarden Arena. Un biaha mas mester felicita e excelente trabao di Elite Production pa su espectacular escenario cu su efectonan di luz cu a haci e anochi aki diferente. Un di cantantenan cu ta profila riba tereno internacional ta nos amigo yiu di Corsow Ephrem J, kende ta un talentoso cantante cu tin basta aña ta move rond di Mundo cu su estilo bachatero. Ephrem J a briya cu su estilo unico durante su presentacion acompaña pa DLicious. Ephrem J den entrevista exclusivo cu PoetsTV ta elogia DLS sin fin. Ephrem J a conta PoetsTV cu el a caba di yega for di Los Angeles y no tabata tin tempo pa soundcheck cu DLS. Asina mes el a subi trankil cu tur e confianza den DLS y DLS a back up Ephrem J den un forma magistral. Tabata despues di hopi aña, for di tempo cu mi tabata lucha pa trece GUESS Aruba. Juni Chiki nos tabata yame. DJ Ryan cu ta biba na Barcelona actualmente, por corda nos mas di GUESS cu Borrel, Cuco y Juni Chiki. Den entrevista exclusivo cu Ephrem J, su curashi y propio iniciativa pa bai Miami y logra dren-ta oficina pa pidi "the right person on the right time", tabata encorte su Blessing. PoetsTV a graba Ephrem J su presentacion cu DLS, tambe presentacion di Hypes y ONE. Cual tur lo ser pasa diamars 4Juni pa 9:10 na Telearuba.



Geraldine Valencia ta bay representa Aruba na Nuestra Belleza Internacional



ORANJESTAD (AAN): Diadomingo anochi durante un anochi ameno na On The Rocks Café den Adriaan Lacle Boulevard, a tuma lugar

un ceremonia chikito di coronacion.

Hecho ta cu Aruba lo manda un representante pa e famoso certamen di Nuestra Belleza Internacional.

E honor a toca na Bancho Mansur di On The Rocks Café pa corona e simpatica Geraldine Valencia como Miss Petite Belleza Internacional Aruba 2019. Geraldine ta un dama hoben hopi atractivo, hopi social, cu un constante sonrisa, y cu bon habilidad pa cana riba pasarela.

Esaki ta bin debi cu na 2016, el a yega di participa na certamen di Miss Teen Aruba representando distrito di Brazil.

Na momento di coronacion, Geraldine tabatin un outfit masha atractivo y trendy di Line of Style Boutique.

Den un entrevista cu DIARIO, el a splica cu for di 9 te cu 16 di September venidero e lo ta bayendo Republica Dominicana pa e certamen di Nuestra Belleza Internacional. El a muestra cu e ta preparando di awor caba, pues tin algun luna pa keda cla completamente. E ta hayando sosten di e team di Miss Youth Aruba, cu training extra di pasarela, training di pregunta, y entrevistanan. DIARIO ta desea Geraldine tur clase di exito.





Diamars 4 Juni

SHAHAI TAKE AWAY**STA CRUZ • Tel: 585-7022**

Shahai special, HALF CHICKEN ariba GRILL cu yuca y maishi, sopi carni

Purba nos diferente wrapsnan y sandwich combo delicioso!!
PUNTRA TUR DIA PA NOS DUSHI SOPI

APPLIANCE REPAIR

Service, ta drecha airco split / inverter, frigidaire, dryer, wasmachine, stoof, forno, microwave etc. Delivery cu garantia. Tel: 565-4234



Dryer, wasmachine, frigidaire, cooler, airco, walk-in cooler, walk-in freezer.

Cel: 562-1584 / 745-7084

*****DAVID*******REPARACION Y SERVICIO TA DRECHA**

Wasmachine, frigidaire, cooler, dryer, forno, stoof. Tur tipo di split unit y window

Tel: 566-4366**MERCADO REPARACION Y SERVICIO NOS TA DRECHA**

Wasmachine, Frigidaire, Cooler, Dryer, Stoof, Forno. Tur tipo di split-unit y window.
JOSE MERCADO !Any time!

569-6224**Nos Ta Drecha**

Tur tipo di frigidaire, cooler, wasmachine, dryer, forno, airco, etc.
Anytime cel: 567-8394

Nos Ta Drecha

Tur tipo di frigidaire, cooler, wasmachine, dryer, forno, airco, etc.
Anytime Cel: 561-1615

CONSTRUCCION GENERAL

Nos ta haci trabao schuer of crack di muraya di cas. Nos ta verf y compound (mastique), tegels, bloki, vloer, pone porta / bentana, cura, drecha dak na un bon prijs.
Tel: 742-0002 / 661-5319

Mercado Reparacion y Servicio Nos ta drecha

Wasmachine, Frigidaire, Cooler, Dryer, Stoof, Forno. Tur tipo di split-unit y window.

ALEX MERCADO !Any Time!**Cel: 567-0580****Telefonnandi DIARIO****Tel: 582 6747****Fax: 582 8551***Skina di Ruthy*

Bon dia yen di alegria!

Skirbi pa Ruthy "Lady Ruth" Vrieswijk-Bergen

Nos team di futbol a bringa duro te na final, cu 10 hungador contra 11 di RCA, e pida ey ora nos 11 a bira 10, Lady Ruth no a wak pa motibonan di otro compromiso, pero despues por a sigui e wega riba celular di Michelangela, e prinses di amigo Dario Penja, danki na canal di DIARIO TV, kende hunto cu mas di 100 tiradornan di Aruba y di exterior tambe a participa den e Aruba Open di Tiramento. Mientras nan tawata anunciando e ganadornan den e varios categorianan, Michelangela y Lady Ruth tawata wak e partido di futbol entre Dakota y RCA. Jammer cu nos no a gana e biaha aki, pero nos tur di Dakota ta orguyoso di nos teamnan di futbol di nos dushi bario semper, gana of perde. Nan ta deportistanan di clase cu amor y passion pa e deporte rey.



Deporte ta promove amistad y amistad ta trese mas union y paz den nos bario. Pabien na ambos team, cu tur dos ganando mas experiencia tambe. Danki na tur nos dushi hendenan cu ta gusta bai stadion bai wak y goza di un bon partido di futbol.

Y danki na e dushi famia Kelly di e bario di Ayo cu a trata nos masha nechí mes, den nan lugar di campa durante e long weekend di Asuncion na Piedra Cora, den pleno naturaleza. Barancanan caricia pa e laman mientras tawata hunga weganan di carta y domino. Danki lieve Maria pa e dushi kopi koffi! Tabata e di 17 cumpleaños di Renzo Kelly, un di e tres prinsan di Mario Alberto y Luz Estela Kelly. Alegria cu ta bai man den man cu tristeza ora nos corda e bunita despedida pa nos Omo Alfred Nicasio Tromp, e casa di e bunita sra. Elda Croes di Sta. Cruz. Omo "Freddy" tambe a biba un tempo den Dakota como hoben, gusta hunga su futbol y bai pisca cu su ruman hombernan, mi ta corda con nan tawata trese lobsternan grandi y fresco cas.



A peticion nos ta publica e poema cu nos a skirbi y dedica na Uncle Freddy, den nos relato di e siman aki..

R I P ALFRED N "Freddy" TROMP

Manera e cantica di Frank Sinatra "My way"

Bo a biba bo bida na bo manera

Pero semper cu Dios den bo mente, alma y curason

Y aunke no ta tur ora cosnan a cana y of muestra bon

Bo a carga bo cruz y sigui reza den bo curason- Dios ta bon.

Mi ta tribi bisa esaki, pasobra, muestra di hopi fe

Ta bo bunita sra.esposa Elda, cu nunca a perde fe den Dj'e

Su Hesus, su Luz a sigui briya pa boso dos y boso dos yuinan

Y awe tambe pa boso 2 nietonan precioso den su mesun manera

Awor bo ta mas serca di nan mente, alma y curason. Dios ta bon.

Uncle Freddy, bo a biba bo bida y a laga otro biba

Bo no a molestia niun hende, bo a sigui stima

Mi ta bendiciona y orguyoso di tawata un di bo subrinanan

Bo tambe a canta y toca guitarra, bo tawata un bon ruman

Bo tambe a goza di bo hubentud y bira grandi pa medio di e gracia di Dios

Y awor bo ta den su reino, bo a scucha su bos

Danki pa tur cos cu bo a sinja y inspira nos cu'ne

Danki pa a muestra nos con unico y diferente cada ser humano por ta

Y no ta na ningun di nos pa huzga, sino acepta e diferencia bunita aki

E camindanan di mundo, tur ta hiba nos na Dios di amor

Dios mes a traha nos cada un den su imahen y semehanza unico


Sciencia asercando e mundo spiritual fantastico

Awor bo por ta un angel wardador pa bo dushi y bunita famia

Bo bida aya lo continua spiritualmente yen di alegria

Condolencia na Elda, Gregory y Jahir y tur su rumannan y demas famia

na Corsow, Hulanda, Canada y claro aki na Aruba.



Danki pa lesa nos relato semanal. Pasa un dushi dia yen di alegria!

**Yahshua le dijo:
"YO SOY la
Resurrección y la
Vida! Todo el que
ponga su confianza
en Mi, aunque
muera vivirá: Juan
11:25**



Nos ta anuncia e fayecimento di nos
querida Mama

**Inez Jeannette De
Marchena Vazquez**
*30 -03-1951 - 01-06-2019

*Acto di entierro lo wordu
anuncia después*



Cumana # 76 & # 44
Oranjestad, Aruba
T.: (297) 588-6699

**Dios ta amor y amor ta Dios
Maske mi nota na e mundo aki
Tur dia Lo mi ta banda di boso
"Serka Dios mita sigur, Eta Amor y Fielidad
Salmo 57"**

Cu hopi tristeza, pero conforme cu boluntad di
Dios , Nos ta participa fayecimento cristianamente
di:



Johanna Werleman Wolff
**Mihor conoci como "Mama , Machi,
Tanta Nana y Pepe**
**Vuida di Tony, tocado di caha di Orgel,
Tony Polis**
***05-02-1931 + 01-06-2019**

Oportunidad pa condolencia lo ta diaranzon 5 juni
2019 for di 7'or pa 9'or di anochi na Aurora Funeral
Home.

Acto di entierro lo ta diabierna 7 juni 2019 for di 2'or
pa 4'or na misa Sta. Anna na Noord , despues lo
Sali pa santana Catholico na Noord. Restonan di
difunto Johanna lo ta reposa for di 10 or di mainta
pa 1'or di merdia na cas: Alto Vista 12.

Ladron a horta dos Speaker Box Pioneer for di un auto

ORANJESTAD (AAN):
Tabata Diahuebs banda
di 1:50 pm, na momen-
to cu un unidad di Polis
di Playa tabata pasando
riba e parkinglot net di-
lanti Royal Plaza, nan a
wordo para pa un ciuda-
dano.

E ciudadano di inicial

E., a splica cu ladron a
horta den su auto. E lad-
ron a laga su vehiculo tur
reboltea paden.

Polis hunto cu e doño
a controla e vehiculo
hunto, pa check kico tur
e ta sinti falta di dje. E
momento ey e ciudadano
no por nota si e ta faltan-

do algo.

Pero ora cu a bay check
den baul, a bin descubri
cu e ta sinti falta di dos
Speaker Box. Uno di
nan tin un Sub-Woof-
er, y uno di nan tin dos
Mid-Range Speakers di
e marca Pioneer.

Polis a tuma e denuncia
di e ciudadano. E caso
a socede net otro banda
di e establecimiento di
Mojitos.

Un biaha mas a horta stulnan for di mesun veranda

ORANJESTAD (AAN):
Central di Polis riba
Diamars siman pasa
banda di 9:45 pm, a di-
rigi un unidad di Polis di
San Nicolas pa un adres
na Weg Rooi Hundo pa
check un caso di lad-
ronia.

Ora cu Polis a yega na
e adres, nan a papia cu e
dama di inicial J.

E persona aki a spli-
ca, cu Diamars banda di
5:30 pm el a sali di cas
pa haci algun respondi.
Banda di 10:00 pm el a
regresa su cas, y a nota
cu 4 stul blanco di plas-
tico cu e tin poni den su
veranda, a desaparece.

El a bisa Polis, cu esaki
no ta e prome biaha cu
algo asina ta pasa y cu
nan a bay cu su stulnan.

Polis a tuma nota di e
denuncia, y e caso ta bao
investigacion.

**Un bon number ta miho ku un bon unguente, i e dia di un hende
su morto ta miho ku e dia di su nasementu
Eclesiastes 7:1**

Cu honda pena na nos curazon, pero
conforme cu e boluntad
di Dios nos ta anuncia cu a fayece
cristianamente:

Sr. Isidro Aguido Rincones
*15 Mei 1941 - †2 Juni 2019
Ex-empleado di Ontvanger der
Belastingen



Den number di su mayoran:

†Alberto C. Rincones y †Damasa (Chichi) Rincones-Sneek

Su esposa: Mariëtte Rincones-Tromp

Su yiunan:

Isidro (Junior) Rincones y famia
Omayra y Carlmichael Bikker-Rincones y famia
Desiree y Johan Zijlmans-Janssen y famia na Hulanda

Su nieto- y nietanan:

Xianthy, Anuar, Ariany y Xenia Rincones
Maricarmen y Joshue Bikker
Joshue Jay Zijlmans

Su rumannan:

Vda. Ambrosia (Ina) Croes-Rincones y famia
Francisco (Frenchi) y Judith Rincones-Escalona y famia
†Albertico Rincones y famia Quandt
†Luis y Irmgard Rincones-de Roo y famia
†Rosario y †Glenda Rincones-Trimon y famia
Eric y Evelina Rincones-Dirksen y famia
Erica (Ica) Rincones y famia na Curaçao

Manera ruman:

Vda. Delia Bernadina-Rincones y famia
Clark Martina

Su swanan:

†Rolando y Doyita Tromp-Arends y famia
Arsenio Tromp (Padou) na Hulanda
Jorge (Mito) y Dora Tromp-Paesch y famia
Erick (Ricky) y Joyce Maduro-Ridderstaat y famia
Wilfred (Willy) Maduro y famia

Connuera: Aura Sanchez

Ayudante: Ita Ridderstaat

Sobrino (a)nan, Primo(a)nan, Ihanan y demas famianan na Aruba,
Curaçao, Hulanda y Venezuela

Un danki special pa tur e atencion brinda ta bay na Dr. Jonkhoff y
staff di Oncologie, Dr. Joaquin van Trig, Dr. Tromp y staff di
huisartsenpraktijk van Trig; Wilhelmina Kankerfonds
Un gratitut special na Carla Koolman, Rica Bernadina, Carmelina
Loefstok y Tjupi Bernadina

Amigonan manera ruman di bingo:

Elizabeth, Lourdes, Edita, Maiky y Mena, Tasha

**Ta invita pa e acto di condolencia y despedida cual lo tuma lugar
na Aurora Funeral Home diahuebs 6 di juni 2019 di 6'or pa 9'or
di anochi.**

Nos disculpa pero despues di despedida nos no ta ricibi bishita di
condolencia na cas.

Telefonnan di DIARIO
Tel: 582 6747
Fax: 582 8551

Telefonnan di DIARIO
Tel: 582 6747 Fax: 582 8551

Polis a sinti holor di marihuana saliendo di un Toyota blanco

ORANJESTAD

(AAN): Diahuebs madruga banda di 1:40 am, un unidad di Polis cu tabata pasando banda di e parking-lot di Nikky Beach na Playa. Net ora cu e patrulla a pasa banda di un Toyota blanco estaciona eynan, e agentenan a haya holor fuerte

di marihuana. Y nan a nota cu e holor ta saliendo di e vehiculo.

Polis a stop y a bay check e auto, e chauffeur y e pasaheronan.

E chauffeur a identifica su mes cu su inicial L. Polis a puntre si acaso e tin droga ilegal e.o. marihuana.

E chauffeur L. a bisa,

cu el a caba di huma un cabito di marihuana, y cu ainda e tin algun yerba di marihuana cune.

Un di e pasaheronan di inicial M., a bisa cu e tambe tin yerba di marihuana.

Polis a listra nan. Den poder di e chauffeur L, a haya un sakito di plastico conteniendo

algo parecido na marihuana. Y di e pasahero M., a haya 2 saco di plastico cu contenido similar.

Aki autoridad a papia fuertemente cu e chauffeur L., e pasahero M., y dos pasahero mas riba nan comportacion. Despues di e scual aki, nan a wordo aleha di e

lugar. Polis a confisca e 3 saconan di marihuana, y lo bay wordo entrega na Departamento di Narcotica.

Hoben sospechoso anochi laat riba bicicleta den Noord

ORANJESTAD

(AAN): Tabata Diasabra banda di 10:40 pm, cu autoridad a haya sa cu tin un homber sospechoso riba un bicicleta, na un adres na Noord.

Polis a haya sa cu ta trata di un hoben di color bruin cla di cuero, cu un shirt shinishi, y un short.

Polis di Noord a bay pa e area y a cuminsa controla den e area, pero no a haya nada. Despues Polis a bay papia cu e persona cu a raporta e suseso.

E dama a declara cu for di su bentana e por a mira e hoben. E bicicleta ta color blanco. E hoben a para dilanti su cas, y tres biaha a fluit. Despues el a cuminsa core y a move direccion pariba pa Alto Vista.

Polis un biaha mas a bay core den area pariba pa check den Alto Vista y Turibana, pero no tabatin exito.



Cumana # 76 & # 44
Oranjestad, Aruba
T.: (297) 588-6699

**“Señor ta mi wardador, mi’n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa”.**
Salmo: 23



Sr. Jan Hendrik Croes
Mihor conoci como “Jendi”
***13-11-1934 - †30-05-2019**

Na number di su:

Esposa: Susana (Susy) Croes-Montalvo

Yiunan: Jan Hendrik (Junior) Croes y Sra. Lerita Molina
Shirley Ann Croes
Dora Koolman y famia
Edwin Werleman y famia
Anthony Maduro y famia

Nieto(a)nan: Gleysh, Antoine, Lucas, Jeyshmel, Gixion, Andre, Stephen, Jennyree

Mayornan: †Serafino (Fichi) Croes
Reineta (Nene) Croes

Rumannan: Emeterio (Emy) y Sra. Chica Croes
†Andresito (Chito) y †Aida Croes
Leopoldo (Janchi) y Frida Croes
†Theresita (Sita) y Arturo (Tuyo) Croes
†Medardo (Da) Croes
†Ismael (Esy) Croes
Mario y Iris Croes-Tromp

Swa y cuña: Orlando Montalvo
Bertha Montalvo

Demas Sobrino- y Sobrinnan, Primo y Primanan, Tio- y Tianan. Ihanan, amigo(a)nan y conocirnan.

Demas famia: Croes, Montalvo, Molina, Refunjol, Leonardo, Godoy, Werleman, Koolman, Maduro, Lopez, Mansur, Montero, Barroso, Tromp, Chalela, Marino, Cubello, Iglesia, Zapata, Ibarra, Anaya, Rengifo, Morales.

Ta invita pa acto di condolencia y entierro cual lo tuma lugar na Aurora Funeral Home diaranson 5 di juni 2019 di 9’or pa 11’or di mainta. Despues lo sali pa Santana Santa Maria na Sta Cruz.

Pordona nos si den nos tristesa nos por a lubida algun famia of conocir.

Despues di entierro no ta ricibi bishita di condolencia na cas.



Cumana # 76 & # 44
Oranjestad, Aruba
T.: (297) 588-6699

“Live well, Laugh often, Love much”

With great sadness we announce the sudden passing away of:

Mr. David Paul Archer
Born: Kingston upon Thames
Great Britain
***16 December 1960**
Passing: Aruba, Sunrise †31
May 2019



In the name of:

The love of his life:

Doret Stevens (“Dushi D”)

Children: Meg Archer
Anna Archer
Amber Riley
Jade Riley

Parents: †Mrs. Jean Dixon and †Mr. John Archer

Sister: Kim Archer

Niece: Ella Ness

Parents in law: Mrs. Nellie Stevens-den Hartog and Mr. Louis Stevens

Brothers in law: ‘Brother Leo’ Stevens and Family
Eric Stevens and Family

Godchild: Tom Swanson

Close friends and family: Jodi Tobman and The Salamander Group Family, Marianne Beijderwellen and Family, Stephen Daal and Family, Jesus Ramirez and Family, ‘Kiko’ Fabian Lopez Soto, Inspire Team Members, Family Stevens, Family van Rietschoten, Family Riley, Day Vinck and Family, Lindsay Riley and Sergei, Brandon Riley, Angela Rose Riley and Melvin Rook, Ans and Aloys Koster, Marja Thus and Ben Kolnaar, Elly and Arnold Putman, Maria and Henriëtte Thus.

We apologize if we in our sorrow and pain did not mention other family members and friends.

Ceremony will take place: Saturday 8th of June at Aurora Funeral Home.

Condolences are from 9-10.30am and the ceremony from 10.30-11.00am

We regret that after the ceremony there will be no condolences at home.

Telefonnandi DIARIO

Tel: 582 6747

Fax: 582 8551

Alarma di V-auto a activa ora ladron a horta cartera

ORANJESTAD (AAN): Diahuebs banda di 3:00 pm, Central di Polis a ser manda pa bay check panort di e ruina di Bushiribana Gold Mine, pa un denuncia.

Na e lugar, Polis a papia cu e dama di inicial

N., y el a declara lo siguiente.

Diahuebs ey el a bay landa panort di Bushiribana Gold Mine. Banda di 2:30 pm el a staciona su auto di huur cerca di costa, un tiki panort di e ruina.

Banda di 3:00 pm el a tende e alarma di su auto a activa. Ora cu el a sali di lama y bay check su auto, el a ripara cu desconocir a kibra e bentana drechi di su auto. Ora cu e amigo di dje di inicial T. a bay mira den e

auto, a ripara cu ladron a horta su cartera, den cual tin su rijbewijs, ATM-card, carchi di cuido medico, carnet di scol, un OV-kaart di Hulanda, y 10 Florin.

Polis a tuma e denuncia di e ladronia.

Choller a rek man den Bus y horta placa larga

ORANJESTAD (AAN): Diasabra mainta alrededor di 7:35 am, Central di Polis a dirigi un patrulla di San Nicolas pa bay na e Parada di Bus di Arubus den B. v/d Veen Zeppenfeldtstraat pa un ladronia.

Ora cu e unidad di Polis a yega, nan a papia cu e chauffeur di inicial G.

E persona aki a relatata na Polis, cu banda di 7:10 am el a yega eynan cu Bus. El a baha di e Bus pa asina a bay den e edificio di Arubus. Di paden e chauffeur G. a mira con e conocido choller "D" a cana subi y drenata su Bus, y despues na careda a desaparece na pia.

El a bay check, y a ripara cu e choller "D" a pasa man pa placa larga. El a calcula cu esaki ta 11 Florin.

Polis a tuma e denuncia di e chauffeur di Bus, y a subi caya buscando e choller den e area. Pero nan no por a haye ningun caminda.



Cumana # 76 & # 44
Oranjestad, Aruba
T.: (297) 588-6699

Laga tur loke ta spera mi ta bunita
Laga tur locual cu mi encontra na caminda ta bunita
Laga tur locual cu mi laga atras keda bunita y
Laga esakinan termina den tur buniteza.
Cado Wever.



Cu dolor na nos curason nos ta anuncia fayecimento inespera na Hulanda di nos tata, ruman, welo, omo y amigo stima:

Juan M. Kock
Mihor conoci como "Mario"
*08-09-1959 – †03-06-2019

Na nomber di su:

Mayornan: †Catharina Kock-Briezen
†Hendrik Kock

Yiunan: Marilyn y famia
Raquel y famia
Ricardo y famia
Rochella y famia
Chanty y famia
Jhon Michael

Mam di su yiunan: Patricia Hodge
Judith Wilson

Tur su nieto- y nietanan stima

Rumannan: Nencia Kock y famia
Cadochi Kock y famia
Lena Kock y famia

Tur sobrina- y sobrinonan, primo- y primanan, su bon amiga- y amigonan na Aruba y Hulanda

Un danki special ta bai pa Ashe Tromp y Alex Caro pa nan ayudo brinda ten a su ultimo momentonan.

Acto di despedida ta tuma lugar na Royal Funeral Home diaranson 5 di juni 2019 di 7'or pa 9'or di anochi

Si encase nos por a lubida algun persona of famia, nos ta pidi nos mas sincere disculpa

One Love



Cumana # 76 & # 44
Oranjestad, Aruba
T.: (297) 588-6699

Laga tur loke ta spera mi ta bunita
Laga tur locual cu mi encontra na caminda ta bunita
Laga tur locual, cu ta rondona mi ta bunita
Laga tur locual cu mi laga atras keda bunita y
Laga esakinan termina den tur buniteza.



Cu inmenso tristeza na nos curason, pero conforme cu boluntad di Dios, nos ta participa fayecimento di:

Nicolaas (Jaty) Thijzen
*06-12-1934 - †02-06-2019

Acto di entierro lo wordo anuncia despues.



Cumana # 76 & # 44
Oranjestad, Aruba
T.: (297) 588-6699

Gradicimento

Morto no ta nifica nada,
Mi a djis pasa di un camber pa otro,
Kiko cu nos tabata nifica pa otro lo keda mesuncos,
Yamami y papia cumi di mes manera cu semper nos a papia ku otro,
Hasi Joke, Hari, Pensa ribami,
Resa pami!
Pakiko mi mester ta for di bo mente, djis paso mi ta for di bo bista?

Ami ta djis wardando ariba bo.
Tur cos lo ta bon y semper ami y mi Famia lo ta agradecido na boso tur,
Mi Famia nan, Mi Amistades nan, Medico & Enfermera nan ku a compaña mi den mi trayecto ariba e mundo aki.

Laga mi bida ta un mensahe pa boso tur,

Iliene Tromp Q.E.P.D. & Famia.



Telefonnan DIARIO
Tel: 582 6747
Fax: 582 8551

Oracion pa awe:

Señor, danki pa cumpli cu Bo promesa di manda Spirito Santo. Bo a priminti di ta hunto cu nos, te na fin di tempo. Danki pa Bo Spirito Santo cu ta biba y move den nos, Señor usa nos, pa nos sali y conta otronan di Bo amor.

Amen
C.P.A.

Presenta pa:
(297) 582-4427
info@onderlingehulp.com

ONDERLINGEHULP

Specialista den seguro di entierro



“Señor ta mi wardador,
mi n'tin falta di nada;
Den cunucu di yerba berde,
E ta ponemi sosega.
E ta hibami na awa tranquil,
pa mi bolbe hanja forsa. Salmo 23:1,2,3.

A fayece:

Sr. Ricardo Bernardo**Statie**

na edad di 105 aña mihor
conoci como: “Papa Ben,
Tio Ben of Ben” na bida casa
di defunto † Luisita Gracia
Statie-Goeloe

**Na number di su:**

Yiunan: Rafael y Jovana Statie
Albert y Gloria Statie
Fidelia Statie y Lucas Robert

Nieto(a)nan: Robert y Bibi Statie

Rayen Brete
Rafael Statie y Joan Faneyte
Ronaldo Statie
Georgie Cecilia

Bisanieto(a)nan: Mary-Anne, Raiden, Shaniza, Alysa,
Kaylee, Rayven, Ruby, Neizam

Rumannan: Seferina Cicilia
Nilda Pauletta

Sobrino(a)nan: Nunila Cicilia y rumannan
Beacinta Sweetnam Theodora y rumannan
Jeffrey Angela y rumannan
Frits Goedgedrag y rumannan

Cuñanan: Vera Goeloe

†Monica Emerenciana y famia
Theresita Van der Lee y famia
†Edgarda Wang y famia
Edigarda Martina y famia
Floresita Nicolaas y famia
†Istella Conquet y famia
Swinda Wieske y famia

Bisiñanan stima: Mirna, Norma, Brontie, Meggie, Chica

Demas famianan: Morillo, Valentijn, Cicilia, Theodora,
George, Martinus, Statie, Goedgedrag,
Provence, Angela, Goeloe, Martes, de Miranda, Janga, de
Palm, Salsbach, Winklaar

Si en caso den nos tristeza nos por a lubida algún
persona of famia, nos ta pidi nos mas sincero disculpa.

Acto di entierro ta tuma lugar Diaranson 05 Juni 2019 pa
4or di atardi na Misa Santa Teresita na San Nicolas y
despues saliendo pa Santana Catolico na San Nicolas.
Nos defunto stima lo ta reposa for di 2or di atardi na
Misa.

Adres pa condolencia: Ad Patres Funeral Home
Diamars 04 Juni 2019 for di 7:00 pm pa 9:00 pm

Staff y personal di Ad Patres funeral home ta extende
nos mas sincero condolencia na famia di e fallecido.



AD PATRES
fenera home

Van Rensselaerstraat 2
584-2299 / 737-2299
adpatres@qualityservice.com
Family owned and operated

Parlamentario Richard Arends (AVP)

Clase media y pensionadonan perhudica seriamente door aumento grondbelasting

ORANJESTAD (AAN): Ya caba e encuesta conduci pa Banco Central a confirma loke ta pasando caba despues di introduccion di e reforma fiscal di gobierno.

Segun Parlamentario Richard Arends, manera fraccion di AVP a bin ta informa, e prome fase di reforma fiscal no tabata nada otro cu aumento di impuesto riba lomba di pueblo.

Poco poco por mira e impacto grandi cu esaki ta poniendo riba lomba di pueblo y cu lo sigui empeora lunanan nos dilanti. Parlamentario Richard Arends di fraccion di AVP ta muestra cu ta for di december caba y durante tratamiento di e cambio di ley di reforma fiscal, a muestra gobierno riba e impacto negativo cu esaki lo tin pa economia y pa e poder di compra di nos ciudadanonan.

For di siman pasa e siguiente medida a worde sinti: e cobransanan di grondbelasting a cay den brievebus cu tarifanan hopi mas halto cu normal. Presupuesto 2019 ta conta cu casi 15 miyon Florin adicional cu e auemnto di grondbelasting aki.

“Si tuma ehempelnan riba e situacion actual: un famia di clase media cu tin dos biahha un entrada promedio, porta a wak un adelato den nan inkomstenbelasting na cuminsamento di aña.

Pero si nan tin un cas di

100 pa 150 meter cuadra, na e balor di construccion actual y teniendo cuenta cu durate añanan a pone cura, of a construi un apartamento y a traha riba e landscaping, e cas su balor ta aumenta substancialmente y e ta aumenta hopi mas compara cu e inversion cu e doño di cas a haci. Bo ta haya bo mes den casonan caminda e balor pa grondbelasting ta subi cu 250 Florin, cu 2.000 Florin y hasta cu 3.000 Florin di ehempelnan cu ta yegando cerca nos di fraccion.

Ora a introduci e medida aki, a elimina e 60 mil cu tabata esun belastingvrijevoet cu ta hustamente e incentivo cu ta existi pa bo por haci inversionnan. “E base di e grondbelasting ta simplemente a e taxatiwaarde mas 20% di e balor di e cas,” Parlamentario Arends a splika.

Ademas tur hende mester informa departamento di impuesto di tur mehoracion cu worde haci na e cas ya cu si no haci esaki un persona lo haya un boet loke lo pone un peso adicional pa e famianan en cuestion. Mamanan soltera kendenan no a conoce un beneficio door di cambio di inkomstenbelasting, pues si bo a un mama profesional y bo a inverti den bo propiedad, bo worde penalisa dos biahha, ya cu uno bo no a haya compensacion minimo cu gobierno a duna.



Hopi di nos pensionadonan por ta hendenan cu decena di añanan pasa, a haya un pida tereno erfpacht y kendenan aworaki no ta activo mas y kendenan cu hopi esfuerso a drecha nan cas, mehora nan propiedad pa awor cu nan tin pensioen nan por gosa di esaki.

Hopi area cu 30 of 40 aña pasa tabata areanan exclusivo di residencia, aworaki ta bira areanan combina cu e balor di e propiedadnan ta aumenta mientras cu e persona su entrada no ta subi. Grondbelasting di hopi pensionado a subi substancialmente, no solamente pa e mehoracion cu a tuma lugar, pero tambe pa factornan externo.

Aunke cu fraccion di AVP a trece e punto aki dilanti durante di reunion di Parlamento, no tabatin oido pa introduci un tipo di ‘grandfathering,’ un forma caminda personanan cu y sigur pensionadonan kende nan entrada no ta bay aumenta, gobierno por duna nan un incentivo of por exclui nan di e ley aki.

Negoshi na Sabana Basora tabata habri demasiado laat

ORANJESTAD (AAN): Recientemente na momento cu un unidad di Polis di San Nicolas tabata pasando den areanan di Pos Chikito y tambe Sabana Basora, nan a ripara algo cu no ta bon.

Nan a mira banda di 7:50 pm cu tin un negoshi ainda habri na Sabana Basora. Polis a baha bay check, y a controla cu e vergunning ta indica claramente cu e tin di cera pa 6:30 pm.

Polis a traha un procesverbaal contra e doño. Tambe a pone Departamento di SBV y tambe Comandante di Warda na altura di loke nan a observa.

“Laga tur locual cu ta sperami ta bunita
Laga tur locual cu mi ta encontra na caminda ta bunita
Laga tur locual cu ta rondonami ta bunita
Laga tur locual mi ta laga atras keda bunita
Y laga esaki nan termina den tur buniteza” Cado Wever

Cu inmenso dolor na nos curason, nos
ta anuncia fayecimento di:

Edwin Julio Bernabela

* 12 April 1957 † 3 Juni 2019

Acto di entierro ta tuma lugar
Diabierna 07 Juni 2019 pa 4or di
atardi na Ad Patres Funeral Home y
despues saliendo pa Santana Central
na Sabana Basora. Nos defunto
stima lo ta reposa for di 2or di atardi
na Ad Patres.

Adres pa condolencia: Lopez Straat 34 for di 7:00 pm pa
9:00 pm

Enbes di flor of krans lo tin un donashon box disponibel pa
hasi un donashon na Edmund E. Harms Foundation.

Staff y personal di Ad Patres funeral home ta extende
nos mas sincero condolencia na famia di e fayecido.



AD PATRES
fenera home

Van Rensselaerstraat 2
584-2299 / 737-2299
adpatres@qualityservice.com
Family owned and operated

Telefonnan di DIARIO

Tel: 582 6747 Fax: 582 8551

Pa aviso di fayecido: morto@diario.aw

THE CINEMA RENAISSANCE MARKETPLACE

Valid JUNE 3 & 4 , 2019

Schedule is subject to change

Please visit us at www.thecinema.aw for more information



PREMIERE MIDNIGHT SHOW

JUNE 5, 2019

VIP 11:50PM
COMFORT 11:55PM

GODZILLA KING OF THE MONSTERS 7:15 – 9:30	PG13	SP SUB
MA 10:30	R	SP SUB
ROCKETMAN 4:30 – 7:45	R	SP SUB
ALADDIN 4:00 – 4:15 – 5:00 – 6:50 – 9:00	PG	SP SUB
POKEMON DETECTIVE PIKACHU 6:35	PG	SP SUB
JOHN WICK: CHAPTER 3 10:00	R	SP SUB

THE CINEMA PREMIUM - VIP

GODZILLA KING OF THE MONSTERS 4:00 – 7:00 – 10:00	PG13	SP SUB
MA 10:15	R	SP SUB
ROCKETMAN 4:15 – 7:15	R	SP SUB

**LOWER PRICES AND BETTER REWARDS WITH
YOUR SUPERCARD**

Countdown a cuminsa...

“Around the World with Flight RCA 2019” Falta dos siman pa fiesta di Cruz Cora Aruba pa recauda fondo



ORANJESTAD (AAN):
Falta dos siman y mei pa
e fundraiser anual di Cruz
Cora Aruba, y preparacio-
nan ta den ful swing.

E invitado lo yega Aruba
Surfside Marina y lo sinti
mesora e gana di bay riba
un biahe! E aña aki, e team
a bin cu un tema algo difer-
ente.

“Around the World with
Red Cross” ta duna tur hen-
de e oportunidad di expresa
su deseo pa biaha, sea ta cu
un toke di un destinacion

preferi, of por join e crew
di avion. Manera semper,
tur hende cu kier join bisti
cu algo inspira pa e tema, ta
bon bini. Por wak ideanan
leuk riba Facebook page di
Red Cross Aruba.

Papito Rafael y su Biba
Lekker Band lo tey presente
pa pone ambiente durante
e anochi. E aña aki, e con-
cepto di e anochi ta worde
adapta pa asina brinda tur
hende algo di bebe na su
gusto, lo tin biña, cocktails,
liquor y cerbez!

Un danki special ta bay na
e sponsors cu a haci esaki
posibel. Lo tin tambe un
buffet inspira pa un desti-
nacion sorpresa prepara pa
Chef Leest.

Den otro palabra, un ano-
chi perfecto pa socialisa
cu un causa! Tickets ta ob-
tenibel na oficina di Cruz
Cora Aruba den Pedro Gal-
legostraat 14, Dakota y
tambe cerca tur miembro di
bestuur. Prijs pa ticket ta pa
pareha. E placa ey ta bay
bek den yuda comunidad.

Centro Famia di Criansa Arubano ta celebra 15 año di existencia



ORANJESTAD (AAN):
Centro Famia di Criansa Ar-
ubano ta di fiesta. Dia 3 juni
2019 Centro Famia di Cri-
ansa Arubano cu ta conoci
pa nan trabao den e area di
cuido di criansa a cumpli 15
año di existencia.

Centro Famia di Criansa
Arubano ta busca y duna
guía na famianan cu ta pone
nan mes disponibel pa yuda
muchanan cu no por keda
den nan propio famia, pa
temporada cortico of largo.
Nan ta habri nan cas, nan fa-
mia y nan curason pa duna
un mucha cu mester nan
tempo y dedicación.

Ta trata di muchanan di
0 te cu 18 aña cu pa moti-
bo di negligencia, maltrato
of abuso tin cu wordo saca
for di nan cas di origen, pa
brinda nan seguridad y pro-
tección.

Un gradicimento special
ta bai na tur e famianan cu
den e 15 añanan aki a yuda

y of te ainda ta yuda un yiu
di criansa na un of otro man-
era. Ta aprecia boso dedi-
cación, cariño y esfuerso.

Centro Famia di Criansa
Arubano no por existi si nan
aporte na e muchanan y na
nos comunidad.

Centro Famia di Cri-
ansa Arubano ta spera di
por existi pa hopi aña mas,
brindando e muchanan cu
mester, un famia di criansa.

Pa por haci esaki mester di
mas famia. Ta haci un yama-
da na tur esnan cu tin interés
of kier sa mas encunto cui-
do di criansa pa acerca Na-
thalie Tromp na number di
telefono 5820088/ 5820089
pa mas información.

TA BENDE

**Dos cama di palo di
1 persona cu colchon
den bon condicion
Afl, 100 pa tur dos.
Cell: 5926707**

Exitoso bishita di alumnonan VWO-5 di Colegio Arubano na Den Haag



ORANJESTAD (AAN): Diaranson dia 29 di mei ultimo un grupo di alumno di VWO 5 di Colegio Arubano hunto cu 4 docente a bishita Den Haag den cuadro di un biahe di estudio na Hulanda.

E programa di e dia aki a inclui un bishita na diferente universidad den region como tambe un bishita na Arubahuis y na ministerio di Enseñansa, Cultura y Ciencia di Hulanda.

Minister Besaril tabata tin e placer pa ricibi e gru-

po di alumno y docente na Arubahuis. E mandatarario ta considera e bishita un masha special mirando cu ta trata di e prome grupo grandi di alumnonan di Colegio Arubano cu ta bin Hulanda pa un biahe di estudio y cu Arubahuis tin e placer di ricibi. Durante e bishita na Arubahuis minister Besaril a dirigi su mes na e grupo y a duna conseho y palabranan di estimulo na e alumnonan presente. Tambe e grupo a ricibi informacion relevan-

te for di afdeling onderwijszaken pa loke ta guia y sosten di studiantenan na Hulanda.

E programa di Colegio Arubano den region Den Haag tabata un hopi varia y intensivo. Parti mainta diferente grupo a haya chens pa bishita tres diferente universidad esta Universiteit Leiden, Erasmus Universiteit na Rotterdam y Technische Universiteit Delft. Cada universidad a prepara un programa special pa e grupo di alumno

unda cu nan por a haya un bon bista di e facilidadnan y tur loke cada universidad tin di ofrece.

Parti merdia e grupo a bini hunto na Arubahuis pa despues sigui parti atardi cu un bishita na ministerio di Enseñansa, Cultura y Ciencia di Hulanda na unda cu Arubahuis den coordinacion cu dicho ministerio a plania un programa special cu informacion di diferente instancia pa e grupo di alumno di Colegio Arubano.

E programa a inclui entre otro presentacion di Dienst Uitvoering Onderwijs (DUO) cu a duna informacion tocante financiamiento di estudio na Hulanda. Studiekeuze123 a duna informacion y conseho riba e proceso di escogencia di estudio.

E instancia DUWO a duna informacion tocante vivienda pa estudiante den region Den Haag y e importancia pa orienta y inscribi na tempo pa vivienda. Na final Stichting WeConnect a duna informacion tocante nan trabao y unda tambe un ex-estudiante di Colegio Arubano a comparti su experiencia di estudio y bida na Hulanda cu e grupo. E encuentro na ministerio di enseñansa a worde clausura cu un borrel na unda tur presente por a socialisa y intercambia di idea y informacion.

Arubahuis ta gradici ministerio di Enseñansa, Cultura y Ciencia di Hulanda y tur e instancianan menciona pa nan cooperacion y pa nan contribucion valioso pa e alumnonan di Colegio Arubano. E potretan ta cortesía di Cas di Aruba.



amc unicon

pa biba mihor

SAMSUNG



55" QLED
SMART 4K UHD TV

CREDIT 212,⁰²

CASH 2495,⁰⁰



CREDIT 148,²¹

CASH 1743,⁷⁰

AUDIO SYSTEM, 5000W, KARAOKE, DJ CROSSFADER, BLACK/RED.



MINI SYSTEM, 480W,
KARAOKE, BLACK.

CASH 312,⁷⁰



SMALL BOOMBOX,
BLUETOOTH, FM,
AVAILABLE IN
3 COLORS.

CASH 132,⁵⁰

SAMSUNG



CREDIT 50,⁵³

CASH 595,⁰⁰

32" SMART 720P HD TV



CASH 196,¹⁰

PORTABLE
BLUETOOTH SPEAKER



GLITTER
LAMP
SPEAKER

CASH 97,⁵⁰

MULTICOLORED
CHANGING PORTABLE
BLUETOOTH SPEAKER

CASH 74,²⁰



AWO RIBA
CREDIT
TE CU

-15%
DESCUENTO!

SAMSUNG



CREDIT 105,⁷²

CASH 1245,⁰⁰

50" SMART 4K UHD TV



MINI SYSTEM,
450W RMS, 2X USB
INPUT, BLACK.

CASH 376,³⁰



MINI SYSTEM, 650W RMS,
2X USB INPUT, BLACK.

CASH 471,⁷⁰

SAMSUNG



CREDIT 76,⁴⁰

CASH 899,⁰⁰

40" SMART FULL HD TV

CUMPRO Y GANA
Regalo
PA DIA DI TATA

CU CADA COMPRA DI AFL.25 OF MAS, BO TA
PARTICIPA PA GANA PREMIO PA DIA DI TATA!

